

**SEJANI, ET RUFFINI**  
**DIALOGUS DE**  
**LADERCHIANA**  
**HISTORIA S. PETRI**  
**DAMIANI**

---

Guido Grandi, Josè Maria Fonseca  
de Evora



11













SEJANI, ET RUFFINI  
D I A L O G U S  
DE LADERCHIANA HISTORIA  
S. PETRI DAMIANI

Quis est iste involvens sententias  
sermonibus imperitis?

*Job. 38. 2.*



P A R I S I I S

APUD BARTOLOMEUM DIDIER.

Sub Signo Fortunæ MDCGV.

REVENUE DEPARTMENT

ST. LOUIS, MO.

DEPARTMENT OF REVENUE

INTERNAL REVENUE

OFFICE OF THE COMMISSIONER  
OF REVENUE

1900



PAID

RECEIVED

ST. LOUIS, MO.

Colloquium I. Pag.1.

## C A L C U L U S

Ad LADERCHII Thraſoniſmum de HISTORIA  
PETRI DAMIANI trimestri ſpatio completa, re-  
primendum.

Colloquium II. Pag.14.

## F E R U L A

Quà errores LXXVII. à LADERCHIO in  
Grammaticam commiſſi plectuntur.

Colloquium III. Pag.28.

## S C U T I C A

Innumeris LADERCHIANI ſtyli ineptiis, & Verbi  
Dei profanationibus caſtigandis adhibita.

Colloquium IV. Pag.55.

## C E N S U R A

Quà HISTORICI lapſus ad centenarium nu-  
merum in LADERCHIANA ſcriptione notantur.

CHURCH

CHURCH

CHURCH  
CHURCH  
CHURCH

CHURCH

CHURCH

CHURCH  
CHURCH

CHURCH

CHURCH

CHURCH  
CHURCH

CHURCH

CHURCH

CHURCH

## Pag. lin.

4. 28. impressis	impressus
10. 13. &	ut
ibid. 14. <i>divisouem</i>	<i>divisionem</i>
11. 28. <i>audirent</i>	<i>audiret</i>
ibid. 30. <i>viderent</i>	<i>videret</i>
38. 16. <i>aciem, gladii</i>	<i>aciem gladii</i>
43. 10. <i>legem</i>	<i>lege</i>
45. 1. <i>virtutis, sua</i>	<i>virtutis sua</i>
48. 23. <i>scilic. &amp;</i>	<i>scilicet</i>
51. 15. <i>Superiori</i>	<i>superioris</i>
52. 1. <i>ne</i>	<i>en</i>
60. 3. <i>anno</i>	<i>annos</i>
61. 37. <i>ecnsutabit</i>	<i>consutabit</i>
63. 3. <i>faventino</i>	<i>Faventino</i>
72. 9. <i>definierit</i>	<i>definierit</i>
ibid. 20. <i>cap. 2.</i>	<i>cap. 3.</i>
75. 5. <i>genealogiis</i>	<i>genealogiis</i>
ibid. 17. <i>Augustianorum</i>	<i>Augustinianorum</i>
96. 4. <i>Cadalorum</i>	<i>Cadaloum</i>
ibid. 17. <i>iudiana</i>	<i>audiant</i>
107. 3. <i>affella</i>	<i>affectu</i>
110. 14. <i>a minus</i>	<i>minus</i>
114. 21. <i>equi</i>	<i>equi</i>
117. 18. <i>exararam</i>	<i>exaratam</i>

1	1
2	2
3	3
4	4
5	5
6	6
7	7
8	8
9	9
10	10
11	11
12	12
13	13
14	14
15	15
16	16
17	17
18	18
19	19
20	20
21	21
22	22
23	23
24	24
25	25
26	26
27	27
28	28
29	29
30	30
31	31
32	32
33	33
34	34
35	35
36	36
37	37
38	38
39	39
40	40
41	41
42	42
43	43
44	44
45	45
46	46
47	47
48	48
49	49
50	50
51	51
52	52
53	53
54	54
55	55
56	56
57	57
58	58
59	59
60	60
61	61
62	62
63	63
64	64
65	65
66	66
67	67
68	68
69	69
70	70
71	71
72	72
73	73
74	74
75	75
76	76
77	77
78	78
79	79
80	80
81	81
82	82
83	83
84	84
85	85
86	86
87	87
88	88
89	89
90	90
91	91
92	92
93	93
94	94
95	95
96	96
97	97
98	98
99	99
100	100



# SEJANI, ET RUFFINI DIALOGUS.

Colloquium I.

## Calculus

Ad Laderchii Thraſoniſmum de  
Hiftoria PETRI DAMIANI trimestri ſpa-  
tio completa reprimendum.

---



SEJANUS. Semper in muſæo ſeden-  
tem invenio te, mi Ruffine, quid ti-  
bi tam frequens cum mortuis com-  
mercium?

RUFFINUS. Immo cum vivis,  
Sejane, conſuetudinem habeo, niſi fortè malus  
augur huc veneris, tristem de morte Auctoris,  
qui mihi nunc præ manibus eſt, nuncium allatu-  
rus.

S. Abſit omen. Quis verò recens hic ſcriptor,  
quidve novi ſibi tractandum propoſuit?

R. Mecum aſſide: jam videbis: volo enim per  
te cognoscas.

S. Ah video: Laderchiana eſt in PETRI DA-  
A MIA-

2  
MIANI Historiam Rhapsodia. Scilicet erubuisti prodere, aut pudor erat vel hominem nominare.

R. Quid? nosti hominem?

S. Non hominem, sed librum agnovi, ac ferme totum evolvi.

R. Ità intelligebam: quis enim nesciat, nunquam illum intra, nunquam te extra Gallias pedem protulisse? Gratulor autem, te in operis hujus lectione versatum.

S. Etiamne ludificas? Neque enim gratulaturum expectabam, sed commiseraturum, quod volverim, & admiraturum, quod potuerim tria illa prægrandia, & spissa volumina oculis percurrere.

R. Majora etiam, ac multo plura devorasti.

S. Nulla verò tam insulsa, tam barbara, tam inepta.

R. Bona verba. Vide, ne contradicendi studio, piissimi scriptoris industriz, quæ in hoc ultra triennium defudavit, minus æquum te præferas.

S. Ultrà triennium? Immo tres tantum menses in hac lucubratione se impendisse testatur Laderchius. Videlis Præfationem: *Verùm cum manum mittere ad omnia desiderabilia tanti Viri proposui, tot vigiliarum, tot id laborum, neque trium mensium, ut fuit, opus, fateor, non duxi.*

R. Fieri id potuit, ut trimestri spatio tam vastum opus expleret?

S. Miratur id etiam Auctor Diarii nostri Gallici, diar. 34. anni proximi elapsi 1704. in relatione hujus operis Laderchiani. Librum exhibe, locum indigitabo.

R.

R. Codex in promptu est.

S. Jam lego. Si le Père Laderchini n'avertissoit pas luy même dans sa Preface, que trois volumes de cette forme, & de cette épaisseur ne luy ont conté, que trois mois à composer, on n'auroit garde de la deviner. Encore trouveroit il que c'est beaucoup que trois mois; il ne s'attendoit pas à y employer tant de temps. Tum relatis Laderchini verbis, sic concludit: D'autres que nous décideront, s'il y a de l'exagération dans cette manière de parler.

R. Ego sanè Typographi, vel amanuensium errore potius contigisse fateri malim, ut *trium mensium* pro *trium annorum* irrepserit, quàm ut credam, tam brevi tempore, non modò compositam, sed ne rescriptam quidem hujusmodi historiam fuisse. Si enim viginti paginas diebus singulis exarasset, adèdque sexcentas quolibet mense complere potuisset, ne id quidem tribus tomis tam vastæ molis compingendis satis esset, cum singuli plus quàm sexcentas paginas complectantur.

S. Vide ne crassiori calculo rationes subduxeris: Sepone indices capitum, quæ sex circiter foliis, seu 48. paginis continentur: seponè indicem quoque copiosissimum rerum, & verborum folia 21., seu paginas 168. implentem; habebis paginas 216. post operis editionem ( ut numeris paginarum impressarum materiæ singulæ referrentur ) eompositas.

R. Quàm minuta sectaris! Quasi verò hæc valde intentum promoveant.

A 2

S.

S. Ex monadibus numerus exurgit. Secerne in-  
super tam multa aliena, quæ operi huic Auctor in-  
feruit; nam circa hæc non est cur admodum labo-  
raverit, cum suffecerit id pensi amanuensium calamis  
distribuere. Putas hæc exiguam operis implere por-  
tionem? Ad 1120. paginas præterpropter se ex-  
tendere notavi.

R. Qui potuisti hunc numerum colligere.

S. Expedita res est. Quæ vel diverso charactere  
impressit, vel duplici virgula ad latus stipavit, vel  
parenthesi inclusit, fatetur certè Laderchius sua non  
esse: integra nimirum PETRI DAMIANI opuscu-  
la, sermones, epistolas, hymnos: ad hæc totam  
PETRI DAMIANI vitam per Joannem ejus disci-  
pulum scriptam: Constantini Cajetani Scholia, &  
prolegomena: Baronii, Bellarmini, Arnoldi, Vujon-  
is, Ferrarii, Rubei, aliorumque scriptorum fragmen-  
ta: Bullas insuper, aliaque monumenta (notissima ta-  
men illa, ac dudum in PETRI DAMIANI operibus  
edita). Quæ vides in primo tomo paginas ferè 408. oc-  
cupare, in secundo paginas 428. implere, in tercio pa-  
ginas 284. absumere, adeòque, ut monui, paginas 1120  
ex omnibus habemus; quæ illis 216. ad indices spe-  
ctantibus junctæ, dant paginas 1336., hoc est plus-  
quam duos universi operis trientes absorbent, ut ne  
tertia quidem pars Historiographo nostro complen-  
da superfuerit, unus nempè ex tribus illis tomis,  
crassiori etiam charactere impressis, quem cur du-  
bitabimus trimestri spatio colligi potuisse?

R. Ne sic quidem negotium conficis; nam fo-  
liis

5  
liis 238. universum hoc opus compingitur, adeoque paginis. 1904. ( dicamus mille nongentas esse dumtaxat computandas, quodd illarum nonnullæ penitus vacuæ super sint) hinc ergo detractis 1336., quas tuo calculo collegisti, adhuc 564. residuæ manebunt, quarum si vel sex tantum singulis diebus sibi componendas sumpsisset Laderchius, utique 94. dies ( qui spatium trimestre superant ) impendi oportuisset. Quis porro non miretur, tot inter alias occupationes Instituti sui proprias Virum hunc potuisse tantam studii assiduitatem sex paginis continenter die quolibet componendis conferre, quantam illa tam varia scripturalium dictionum suppellex videtur exigere, quâ ubique redundat, & diffluit?

S. Magna statim subductione quotidianum Laderchii pensum extenuasti, dum ex 20. paginis ad sex reduci posse fateris. Quodd si etiã complura alia Gregorii Magni, Bernardi, Thomæ Aquinatis, ipsiusque PETRI DAMIANI, atque aliorum Ecclesiæ Doctorum fragmenta, quæ stylo suo Laderchius inclusit, ac nulla peculiari nota à propriis sui calami periodis distinxit, computare volueris, quemadmodum, & multa Psalmorum, Canticorum, & Lectionum Ecclesiasticarum frustra ad integras paginas, aut semipaginas excurrentia ( potuere siquidem ejus jussu per amanuenses exscribi, dum aliis ipse occuparetur ) facile constabit, tertiam rursus partem esse subtrahendam, ut quatuor ad summum paginæ residuæ sint, quas per se concinnare debuerit

Hi-

Historiographus noster, quantum scilicet qui sub Rhetore nigro ferulam timent, matutinis, ac pomeridianis horis dietim complere satagunt, ut ab æqualium condiscipulorum sorte, inter puerilis Senatus procures, ex altioribus scamnis, primisque subfelliis emineant.

R. Æjepd̃l sex diligentiz punctis hanc ego solertiam à Cratilo Præceptore pro meritis rependendam censeo. At pueriles tantum ineptias, vel putidas, ac malè cohærentes periphrases, confarciet Petus aliquis audaculus, ut pleno utrinque folio apud Ludimagistrum gloriatur. Noster verò selectis Scripturæ verbis ut omnia proponeret, quot vigilias impendere, quot labores debuit devorare?

S. At ego nil magis putidum, nil minus cohærens in pædagogorum scholis scriptitari posse, immò nihil ineptius, vel animo concipi, vel cogitatione fingi, Laderchiana illa, quam tantopere probas, oratione contendo. Addo, nusquam adeò frequentes solæcismos, ac barbarismos occurrere, multifido gymnasiarchæ loro expiandos, quibus vel pueruli Emanuelis alumni risu disrumperentur. Sed & memini, errores innumeros in Ecclesiasticam Historiam commissos me in his Laderchianis Commentariis dudum animadvertisse, quos ubi res exigat, enumerare, ac demonstrare paratum invenies.

R. Huc, opinor, accesseris meditatus Laderchii criminationem; at nimis multa proponis, quam ut excipi possint, nimis exaggerata, quam ut credi debeant:

beant; nisi fortè per jocum provocas, ut orationi subservias.

S. Et vera, & seria, & ex animo loquor; Sed ut singula in aperta luce ponantur (quando de pædagogorum Scholis sermo nuper inciderat) primùm de barbarie sermonis, tùm de styli ineptiis, hinc de Historiæ palmaribus erroribus conferamus.

R. Tuo id arbitrato, sed velim priùs, ut quæstionis hætenùs inter nos versatæ propositum concluderes.

S. Rem planè confectam putabam: nullo videlicet negotio potuisse immensa hæc volumina trimestri spatio compingi: quod & ex dicendis uberius constare poterit, opus enim tanta oscitantia, tali negligentia conscriptum, an longiori tempore indiguisset arbitraberis?

R. Difficultatem à me propositam declinasti, non evasisti; ubi enim eviceris ineptam esse Laderchii lucubrationem, non idèò breviorẽ feceris, aut faciliorem. Est & longus error: sunt & nugæ difficiles.

S. Moras iniicis, ut, imminente solis occasu, ab argumento avocer, sed non permittam.

R. Aliquid & in crastinum reservandum: hodiernam interim quæstionem, aliis ut implicemur, truncam relinquere haud decet.

S. Bene est. Memoria tenes penultimi Psalmi versiculos?

R. Quorsum hæc interrogas? Quotidiè recito.

S. Annon facile describeres, dictares, aut levissimè

fima verborum immutatione flecteres quò fcriptionis tuæ propositum vocaret ?

R. Si ferat argumentum, nihil facilius.

S. Quàm defecdarit ergo Laderchius in concin-  
nando capituli 29. lib. III. initio ? Per te lege tom. 2.  
pag 274.

R. Pareo. *Laudatur igitur Beatissimi Petri nomen in Choro, in timpano, & psalterio, psallitur illi, quia beneplacitum est Deo in famulo suo, & exaltavit mansuetum in salutem. Exultat enim Sanctus in gloria, & latatur in cubili suo; sed exaltationes Dei, quæ fuerunt in guttore ejus, & gladii ancipites in manibus ejus: ad faciendam vindictam in nationibus, increpationes in populis: ad alligandos reges eorum in compe-  
dibus, & nobiles eorum in manicis ferreis: ut faceret in eis judicium conscriptum, gloria sunt illi ab omnibus Sanctis ejus. At ejusmodi loci rarissimi occurrunt.*

S. Rarissimi ? En alium statim ex Propheticiis Canticis pag. 287., sed tantisper ex Epistolis Pauli interpolatum. Perge, sodes, ac lege.

R. Inveni: est ad calcem libri III. *Dextera illius magnificata est in fortitudine: dextera illius percussit inimicos eorum: & in multitudine gloriae suae deposuit adversarios eorum: misit iram suam, qua devoravit eos sicut stipulam; in spiritum furoris sui congregata sunt aqua. Et revera stetit unda fluens, & congregata sunt abyssi in medio maris: dum diceret inimicus, persequar, & comprabendam: dividam spolia: implebitur anima mea: flavit spiritus ejus, & liberavit eam:*  
&



9

*& dux fuit in misericordia populo, quem redemit. Quis igitur similis in fortibus tibi, Beatissime Pater? quis similis tui, magnificus in sanctitate, terribilis, atque laudabilis, faciens mirabilia? At cum usquemodò sit nobis colluctatio adversus carnem, & sanguinem, adversus principes, & potestates, adversus rectores hujus mundi tenebrarum harum; Tu rursus benignè in bona voluntate tua extende manum tuam, & devoret eos terra: conturba principes Edon, robustos Moab obtimeat tremor, obrigeant omnes habitatores Chanaan: irruat super eos formido, & pavor in magnitudine brachii tui: fiant immobiles, quasi lapis, donec pertranseant famuli tui, donec pertranseat servus tuus iste, quem possedisti. Introduce eum, & omnes Christifideles, in quorum ore magnalium tuorum dulcis resonat sonus, & planta in monte hereditatis Domini, firmissimo habitaculo, quod præparavit tibi, & cunctis diligentibus se. Filii Israel ambulent per siccum in medio mari hujus sæculi, & sanctis precibus tuis porta eos in fortitudine tua ad habitaculum sanctum Domini, qui cum filio, & Spiritu Sancto vivit, & regnat in æternum, & ultra.*

S. Amen. Habuimus psalmos, & cantica: vis lectiones?

R. Æquum est & illas audiamus.

S. Recitabo illas ex Mariano Officio congestas, quæ lib. i. cap. 33. num. 4. ad paginam 231. tom. i. præstant. Et reverà quasi Cedrus exaltata in Libano, & quasi Cypressus in monte Syon, & quasi palma in Cades, & quasi plantatio rosa in Jerico & quasi olivæ

B

spe-

*speciosa in campis, & quasi platanus exaltata juxta aquas in plateis, sic à Sanctissimo Viro exaltatus fuit peculiaris iste Officii Beatissima Virginis cultus, qui sicut cinamomum, & balsamum aromatizans odorem dedit, & sicut myrrha electa dedit suavitatem odoris.*

R. Nullasne antiphonas inserit?

S. En statim eodem loco, sed præmissis quibusdam ex Actibus Apostol. *Itant Petrus omnes Christiana vitæ viros, ac mulieres, ad Jerusalem, scilicet ad Deiparam, hoc vinctos obsequio traheret, & perduceret. Hinc est, quod cum lacrymis non cessabat monere, die, ac nocte unumquemque, & sub præsidium Beatissima Virginis, suarum horarum recitatione, confugeret, ne eorum deprecationes despiceret in necessitatibus, sed à periculis cunctis eos liberaret Virgo gloriosa, & Benedicta.* Et initio lib. 2. pag. 313. *Non est inventus similis Petro, qui conservaret legem Excelsi, ideo fecit illum Dominus crescere in plebem suam.*

R. Vehementer delector hac styli felicitate; quin memini in tertio tom. ad pag. 245. me legisse: *Mirabile certè mysterium, ut Vir Sanctissimus quod fuit permaneret, & quod non erat assumeret, non commixtionem passus, neque divisionem.*

S. A primo tomo, qui præ manibus est, ne exeamus. En tibi ante aliquot paginas, quas opportunè ventus obvertit, alium illustrem locum, ex Paulinis Epistolis, & Psalmis Davidicis aggregatum. Lege pag. 189.; ubi illos objurgat, qui disciplinæ sibi inferendæ originem ab Æthnicis repetunt.

R.

R. Video. Noliut ergo iugum ducere Sancta hujus Institutionis Petri Damiani cum infidelibus: quia nulla prorsus participatio iustitia cum iniquitate, nec societas luci ad tenebras, nec conventio Christi ad Belial, nec pars fidelis cum infideli, nec denique consensus Templo Dei cum Idolis, non tantum in fine, verum etiam nec in modo. Sacrilegi enim homines, qui sepe sapius immolabant filios suos, & filias suas demoniis, & effundebant sanguinem innocentem, sanguinem filiorum suorum, & filiarum suarum, quas sacrificabant Sculptilibus, & insciebant terram in sanguinibus earum, & contaminabant in operibus suis, & fornicabantur in adinventionibus suis, dum corpus per flagella castigaverunt.

S. At Psalmorum alia specimina jam degustavimus. Orationem, & Capitulum fortè desideras?

R. Hæc deesse videbantur.

S. Utrumque breviter ad finem nuncupatoriæ epistolæ habebis.

R. Jam observavi: nimirum ubi Pontificem sic alloquitur. *Concedat Sanctitati tuæ Omnipotens Deus meritis, & precibus hujus Beatissimi Patris, fungi Sacerdotio, & habere laudem in nomine ipsius, & offerre illi incensum dignum in odorem suavitatis.*

S. En aliam lectionem, aut canticum ex Isaia Proph. ad pag. 397. ejusdem I. tomi initio capitis 12. lib. 2. *Excussit igitur manus suas ab omni munere, qui obturaverat aures suas, ne audirent sanguinem, & clauserat oculos suos, ne malum inimicis ipsis viderent; idem in excelsis habitavit, munimenta Saxorum*

*sublimitas ejus, panis ei datus fuit, aqua ejus fideles. Regem in decore suo viderunt oculi ejus; conspexit terram de longe; cor ejus timorem meditatum est.*

R. Nec defunt Homiliæ, præsertim S. Gregorii Papæ: ut pag. 163. tom. III. *Sint lumbi vestri praein-  
teli, & lucerna ardentes in manibus vestris: in quo  
nimirum duo sunt quæ jubentur; Lumbos videlicet re-  
stringere, & lucernas tenere, ut & munditia sit ca-  
stitatis in corpore, & lumen veritatis in operatione;  
quia Redemptori nostro unum sine altero placere nequa-  
quàm potest, si aut is, qui bona agit, adhuc luxuriæ  
inquinamenta non deserit, aut is, qui castitate præmi-  
net, necdum se per bona opera exercet; quia nec castitas  
magna est sine bono opere, nec bonum opus est aliquod  
sine castitate.*

S. Ecquid verò facilius his, qui in Breviarii le-  
ctione tantisper versati sint, quàm ut hos cento-  
nes componant, & quatuor, aut sex paginas  
continuo Ecclesiasticæ illius loquutionis filo ad imas  
usque fimbrias deducto, repleant? Non procùl pe-  
tenda phrasium suppellex, non diù cogitandum  
de sententiarum, verborumque apparatu, non labo-  
randum circa copiam, aut proprietatem sermonis.  
Quidquid in buccam venerit, calamo transmitti po-  
test, ipsumque quotidianum Officii Divini pensum  
non minuit, dum frequentiores conceptus suggerit,  
quibus opus in immensum excrecat. Et adhuc du-  
bitas, trimestri spatio Laderchianam hanc rhapso-  
diam potuisse compingi?

R. Haud incongruè loqueris. Sed, ut trimestri  
spa-

spatio totum opus digesserit, in expoliendo tamen vix minùs triennio insumpisse debuerit.

S. Non dissimulo, id potuisse contingere; quippe [uti hanc laudem semper affectat] etiam in novissimo ejus opere. *De Basilicis Sanctorum Martyrum Marcellini, & Petri*, quod hoc ipso anno typos aspexit, fatetur Laderchius 22. dierum spatio dissertationem illam à se elaboraram; tùm eidem ad incudem revocandæ, ac perficiendæ annum integrum impendisse.

R. Opus illud sanè eruditum, in quo non est cur tot lapsus cavilleris, aut stylum è Scriptoris phrasibus confarcinatum redarguas; usitata enim inter historicos loquutione contentus solidam ubique eruditionem sectatur.

S. Nimirùm ubi Cymba Navi suppetias tulit, ineptias suas tandèm agnovit, & ex parte emendavit. Cæterum quàm multa & ibi spongiam expectent, erit alius decidendi locus. Me jam abiens Sol vocat, nisi enim ad octavam pomeridianam horam Clarissimus Mæcenas ad se reversum videat, hospitii jura fracta conclamabit.

R. Non permetteret, ut apud Ruffinum vel semel pernoctares?

S. Usque ad D. Remigii solemnitatem sibi totum me postulat, deinceps tuus ero.

R. Dimitto, sed data in crastinum colloquium sponsione.

S. Sat memini quæ nobis de Laderchio conferenda supersint. Vale.

Col-

## Colloquium II.

## F E R U L A

Qua errores LXXVII. à Laderchio in Grammaticam commissi plectuntur.

---

**R.** Tibi moras nectenti in occursum venire jam destinaveram.

**S.** Quàm tuus in me amor impatiens! Expectare malui, ut à negotiis expeditum invenirem.

**R.** Nullum erudito colloquio tuo negotium anteposuerim.

**S.** Pro tua humanitate facis. At missis officiosis verbis, cur non statim in bibliothecam?

**R.** En patet: nec piger in mensa Laderchius adventum tuum præstolatur, objectis quibuslibet amovendis paratus.

**S.** Jam jam obmutescet.

**R.** Adsum pro Laderchio responsurus.

**S.** Ex itinere fessus interim sedebo.

**R.** Potes & cæsariem deponere, ac nocturno pileolo caput obtegere. In amici domo, ut in proprio cubiculo, conversandum.

**S.** Ubi ferula?

**R.** Qui sic flagitas? Num abigendi canes?

**S.** Gram-

S. Grammatici errores Laderchii plectendi.

R. Tot leucis diffito minitaris? Jure excipere poterit: si tibi sunt virgæ Parisiis, at mihi tergum Romæ est.

S. Jam te ejus Patronum constituisti.

R. Ad verba scilicet, non ad verbera.

S. Nullus erit verberum timor, ubi ad verba responderis.

R. Nolim ad personales actiones procuracionem meam extenderes.

S. Nihil adversus jura committam, immò tibi ipsi vel ferendam sententiam, vel certè exequendam demandabo.

R. Age igitur. Quid in grammaticæ canones à Laderchio peccatum esse contendis?

S. In primis post medium nuncupatoriæ epistolæ hæc legimus. *Petra, quam interrupit Dominus in eremo, & † Catholici Orbis adacquavit, velut in abyssò multa*. Ubi Priscianus scribendum docuisset: Catholici Orbis adacquavit.

† Error  
grammaticæ 1.

R. Vide, ne ferulam in te convertam. Constructio Laderchii à te non satis aptè exposita est; ita enim ferenda, ac si dixisset, quòd *Dominus illam adacquavit, velut in abyssò multa Catholici Orbis*.

S. Hanc elegantiz speciem ignorabam, ut gignendi casus ex ablativo pendens inde avelli posset, atque ante verbum, ante præpositionem comparativam, ante ipsum ultimum casum collocari. Nunc subdubito, an quidpiam erroris, te judice, in ullo scriptorum notari possit; nam ante alias periodos quid-

quidpiam invenies, quod concordantiæ jura tueatur.

R. Nolim adeò demissè de Laderchio sentias, ut ejusmodi lapsibus obnoxium arbitreris.

† Error 1. S. At quo fuco Laderchium oblinies, ubi in Præfatione paulò ante medium ait : *Et eo pari modo, † quod in Evangelio memorantur quidem Romane Reipublica Principes?*

R. Per typographi negligentiam literula *d.* obrepserit : legendum quippe : *Et eo pari modo quod tametsi inter errata ad calcem voluminum id minimè referatur: quod Correctorum incogitantia, non Auctoris vitio dandum; absit enim, ut talem virum concordantiarum oblitum putes.*

† Error 3. S. Nempè, & in genitivis priorum locorum cum additamento suo concordandis sollicitus fuit : unde pagina 1. in ipsomet historię suę initio tradit PETRUM DAMIANUM *ortum Ravenna † celeberrima in Italia Urbis* : quo loco dixisset grammaticus quilibet *ortum Ravennæ, celeberrima in Italia Urbe* ; Sic enim, & Cicero in Oratione pro Archia illum *Antiochiæ, loco nobili, & celebri quondam urbe* natum perhibet. Et Philipp. 4. in M. Anton. illum *Albæ constitutum, in urbe opportuna, munita, propinqua, declarat.*

R. Ciceronem Laderchio opponis ? Hos profanos auctores non legit, è solo Breviario [ Romanum intelligo ) Vir Ecclesiasticus suas phrasas deducens .

S. Cedo Romanum Breviarium .

R.



R. Famulus è scamno tertio proferat.

S. Vide ad diem sextam Decemb. *Nicolaum illustri loco Patara in Lycia natum*. En ad diem secundam Aprilis. *Franciscus Paula, quod est Calabria oppidum, loco humili natus*.

R. Hinc est, quòd in quibusdam Laderchiani hujus operis exemplaribus felici calamo correctum memini, *Ravenna celeberrima in Italia Urbe*. Omnem porrò repræhensionem evadit error, quem quis agnoverit, atque emendaverit.

S. In hoc certè exemplari tuo, æque ac in meo nulla apparet correctio. Verùm nimis multis lituris opus hoc conspurcaverit, qui illud ubique corrigendum in se suscepit. Malim Augiæ stabulum repurgare.

R. Nondùm hanc errorum copiam ostendisti.

S. Perge igitur ad pag. 7. ubi videbis DAMIANUM credi à nonnullis *natum quinque † annos ab obitu † Error 4. Ottonis II.* & paulò infra. *Non est unde probetur, quòd potius natus fuerit quinque † annos ab obitu † Error 5. Ottonis II., quàm III.* Et rursus tertid, *se natum fatetur quinque † annos ab obitu Ottonis III., † Error 6. non II.*

R. Vidi; Sed hoc loco typographus culpandus est, qui *annos* pro *annis* expressit: undè inter errata corrigenda pag. 7. lin. 7. id accuratè à Laderchio notatum.

S. Secundum scilicèt lapsum corrigendum monuit, non primum, qui lin. 2., nec tertium, qui lin. 10. occurrit. Porrò cui persuadeat Auctor, typogra-

C

phum

phum eodem sphalmate intra paucas lineas ter lapsum fuisse, ac tam constanti lege auferendi casum in accusandi mutasse? Adde quodd simili errore ad pag. 244. scripsit *Tot* † *saecula ante Petrum Damianum* pro tot saeculis ante.

† Error 7.

R. Velim te, Sejane, solidiora sectari, ut aliquis ex hac collatione nostra fructus percipiat. Mallem igitur, ut difficilem textum *lib. 1. cap. 6. n. 3.*, occurrentem explicares, ubi ait: *Redcuntes ergo* † *diffamaverunt illos in tota terra illa; & Domino*

† Error 8

*disponente per servos suos congregare dispersiones Israel,*

† Error 9

*innumeros undequaque* † *sanavit contritos corde, &*

† Error 10

*† alligavit contritiones eorum, innumeram* † *num-*

† Error 11

*eravit multitudinem stellarum, & omnes eas nomi-*

† Error 12

*ne* † *vocavit*. Primò enim haud aliàs memini verbum *diffamare* in bono sensu usurpatum: deinde, cum omnia præcedentia plurali numero expressa sint, quis ille est, qui *sanavit, alligavit, numeravit, vocavit*?

S. An Officia nunc permutanda?

R. Non querelam, sed dubium moveo; nec te Patronum, sed interpretem posco.

S. Primum scrupulum faciliè avellam; nec enim semper apud Sacros Auctores verbum illud *diffamare* in deteriotem partem accipitur. Marc. 1. *Capit predicare, & diffamare Sermonem*: & ad Thesal. 1. *Avobis enim diffamatus est sermo Domini*. Vides, me nihil, quod Laderchio faveat, dissimulare? Alterum verò excusare haud facile possum, nisi Laderchio permissam à Prisciano legum suarum transgressionem fatearis.

R.

R. Nunquàm id extundes, ut ignoratas, aut neglectas à Laderchio concordantias persuadeas.

S. Parùm es in Laderchii lectione versatus. En lib.2. cap.18. pag.441. *Acervum novarum frugum*, † *quod ad faciendum mala ille collegerat*; quasi acervus sit neutrius generis. Et cap.25. num.6. pag.544. *Magneti comparat*, † *qua ferrum vincit*, quasi magnes, ut apud Italos, & nostros Gallos, ità apud Latinos, fæmineum genus præferat. Lib.3. cap.6. num.16. pag.80. tom.2. *Infatuavit consilium eorum*, non † *intelligentes quid cogitaverat de illo Deus*, ubi scribendum erat *non intelligentium*. Et cap.20. n.4. pag.213. *Quamplurimas ad diversa* † *spectantia referens historias*, ubi dicendum fuerat *ad diversa spectantes*. Tum lib.4. cap.6. pag.335. *Reperto quadam die nummo argenteo*, † *illud tradidit Sacerdoti*, nummum videlicet, ut supra acervum, neutrius generis pronuntiando. Et cap.15. num.13. pag.445. † *Sancti novorum Ordinum Instructores infirmiores factos esse conspiciamus*, ubi quis non dixisset *Sanctos &c. conspiciamus*? Ac lib.5. cap.19. n.5. pag.152. tom.3. † *Hoc quoque ex tunc inolitum abasum*, nomine hoc abutens, perindè ac superiorum acervi, & nummi, genus immutaverat, ut pag. etiam 15. *Mercatum* † *hoc pro mercatum hunc declinavit*. Lib.6. cap.2. n.8. pag.256. *Eorum, qui ex Diaboli regno in Calum conscendere* † *contendebat*, † *pseudopontifices videlicet*, † *usque ad Infernum superbiam detrahendo*, ubi scribendum fuerat: *contendebant, & pseudopontificum*.

R. Hui! Tàm longam potuisti seriem notare?

C 2

S. Sed

S. Sed & plurima transilii. Tomum primum resume: vide ad pag. 348. *Exempla congeris Hildulphi,*  
 †Error 23 & *Deodati, aque* † *Trevirenses*: & ad pag. 401. *Ar-*  
 †Error 24 *bitramur venisse Petrum,* † *quarens fructum in illa se-*  
 †Error 25 *quentem eidem Laudulpho* † *scribens epistolam*.

R. Memini & ex recensitis plerosque, & hunc præsertim errorem, quem postremò notasti, inter typographi errata à Laderchio repositum.

S. Oportuit sane typographum, aliquantò etiam meliùs quàm Laderchium, concordantias callere, ut non modò errarit fingendo *quarens* pro *quarentem*, sed & consequenter imprimendo *scribens* pro *scribentem*, mendum illud continuare potuerit.

R. Infelix scriptorum conditio, quibus vel typographorum errata passim tribui contingit!

S. Infelix Typographorum conditio, quibus vel scriptorum errata passim tribui contingit! Verùm ubi inter impressionis corrigenda referri ostendes, quod habet lib. 1. cap. 17. n. 1. pag. 97. *Omnis enim*  
 †Error 26 *orbis terrarum limido* † *illuminata fuit lumine signorum ejus*; quod lib. 3. cap. 3. pag. 3. tom. 2. *Tàm impudentèr hac allegabant, ut annus* † *orno compulerit*;  
 †Error 27 quod cap. 29. ejusdem lib. pag. 274. *Gloria* † *sunt illi ab omnibus Sanctis ejus, quod* pag. 148. tom. 3. *videtur enim nostris hisce temporibus aperuisse* † *infernum os suum*, atque id genus alia?

R. Potuerunt hæc, & similia corrigentis oculos subterfugere.

S. Æthiopem lavas, si cuncta Laderchii errata excusare contendis: nimirùm vulgatissimas grammata-


maticæ regulas passim is prætergreditur; ut cùm tom.1. pag.193. haber. *Denique nec* † *Arhanasum in* †Error 30  
*vita Antonii*, *nec* † *Hieronymum in vita Hilario-* †Error 31  
*nis*, *nec* † *Theodoretum &c. disciplina hujus memi-* †Error 32  
*nere* : & pag.303. † *Conversio*, *quam infirmare sa-* †Error 33  
*nitas poterat*, *infirmas roborat*: ac pag.438. *Cum sibi*  
*videretur cogitasse* † *Dominum* : & pag.389. † *Per-* †Error 34  
*sequutus in* † *unam civitatem decreverat fugere* †Error 35  
*aliam*, ubitùm verbo *persequor* passivè utitur, tùm  
 accusandi casum pro auferendi usurpat; dicendum  
 quippè fuerat *in una civitate*.

R. Fortè Evangelistarum phrasim Religiosè hoc in textu observaverit.

S. Nihil minus; nam Matth. c.10. legimus. *Cum persequentur vos in civitate ista, fugite in aliam*, non verò *cum persecuti eritis in Civitatem istam*.

R. In reliquis tomis non tanta fortasse irrepperit mendorum seges; primæ enim curæ solent secundis difficiliore evadere.

S. Haud pauciores lapsus tomum secundum inficiunt. En pag.204. *Se quodammodò dentibus publica obtreffationis* † *exponitur*: pag.448. *In portis quip-* †Error 37  
*pe suis omnia poma nova, & vetera servasse videtur*  
 † *Virum admirabilem*: pag.466. *Petrus verò ab urba-* †Error 38  
*nitate quasi abhoruisse* † *apparet*: pag.569. in titulo †Error 39  
 capit.29. lib.4. † *Monachis, & Religiosis Mundo,* †Error 40  
 & *sibi mortuis Monasteriorum regimen ambire ve-*  
*tat*, ubi dicendum erat in accusandi casu *Mo-*  
*nachos, & Religiosos Mundo, & sibi mortuos &c. ve-*  
*tat*.



R.Hxc

R. Hæc ipse Laderchius inter typographi errata retulerat, atque emendaverat.

S. Eandem incudem tundis. Si semel tantum casus variatus occurreret, præli lapsibus jure accenseri posset; at dum omnia ad alium casum detorta sunt, Auctori hæc omnia meritis adscribenda videntur; præsertim cum & in titulorum, sed capitum indice huic tomo præfixo idem error invariatus repetatur.

R. Jam tertium tomum evolve, de secundo enim satis multa delibasti.

S. In pag. 33. tomi tertii lin. ult. legimus. *Purum esse Clericum* † *erubescitur in Ecclesia*, quasi nimirum inter activa verba computari, ac passivè flecti posset *Erubescio* (quod & in ipso indice ad vocem *Clericus* repetit; ac verbo *deservio* similiter abutens; †Error 41 ait; *Clericus purus esse* † *erubescitur*, idèd *ambitiosè curia Principum* † *deservitur*, ut ad *Episcopatus apicem perveniat*) & paulo post pag. 34. *Vendicare* hic Auctor usurpat pro *Vendere* ibi. *Paulatim insolescentes docti sunt in brevi* † *vendicare altaria, subditorum marsupia evacuare*: & pag. 61. *Docuit Vir Sanctus pro justitia* † *agonizare*, quasi ex verbo aliquo *agonizo* infinitus modus deduceretur, cum apud Ecclesiastic. cap. 4. (cui loco Laderchius alludit) imperativè ex verbo *agonizor* habeatur. *Pro justitia agonizare pro animata, & usque ad mortem certa pro justitia* Vide & pag. 315. ubi in † *Sanctorum Ecclesia Patrum* legitur pro *In Sanctos Ecclesie Patres*: & pag. 345. *Cum simplex, & moderata responsio pos-*  
sit

fit † te placere, hoc est tibi placere : ac demum pag.427. Ut † mentiret iniquitas sibi, cum in Psalmo 26. verbi deponentis indolem servet, *mentior*, ubi dicitur. *Et mentita est iniquitas sibi*. Omitto alia leviora passim legentibus occurrentia.

† Error 47

† Error 48

R. Expectabam, ut criticum ageres ad pag.361. hujus tertii tomi, ubi typographo exciderat.

*Et in misericordia increpaverit eum*, sed solers Historiographus noster id corrigendum monuit lin.19. † *increpaverit*.

† Error 49

S. Superfedere ab ea cura potuerat, dicente Cicerone ad Quintum Fratrem *Cato Pompei in me perfidiam increpavit*. An sibi religioni duxit Psalmodiographi verba, psal.105., ex Breviario deducta immutare, ubi habetur : *Et increpuit mare rubrum?* Cur exempla Evangelistarum præterit? Matth.17. *Increpavit illum Jesus, & exiit* : Luc.4. *Et increpavit illum Jesus dicens* : & cap.8. *Increpavit ventum* : & cap.9. *Increpavit Jesus Spiritum immundum*, ut alia omittam veteris Testamenti?

R. Nimirum correctiones ipsas corrigere aggrederis, quando nihil aliud residuum est, quod in hoc opere carpas.

S. Nihil aliud residuum est? Excute iterum, excute Laderchianos tomos : restitue primum. Quid hic circa med. tertiæ paginæ Præfationis legis?

R. Nimirum : *Agnovi*, † *meis viribus non esse* † Error 50 *magnitudines tam mirifici Doctoris annunciare*. Hic-cine scrupulus later?

S. Hic planè; dicendum enim fuerat *Agnovi*  
vi-

*virium mearum non esse*; quemadmodum ait Cæsar lib. 1 de bello Civil. *Neque sui iudicii, neque suarum virium esse discernere*. Sed perge ad finem sequent. paginæ circa tertiam præfationis partem.

R. Auguror, te velle Laderchio de phylacteriis  
 †Error 51 litem movere; ait enim ibi: *!dum tantoperè † phylacterias rerum mirificè dilatant*, quod & repetit  
 †Error 52 tomo 2. pag. 482. *Nobilitatis humana † phylacterias etiam in clauſtro dilatant*; dicendum quippè utrobique fuerat *phylacteria*, nisi fortè utrunque Latinis Authoribus probetur.

S. Nusquàm *phylacterias* inuenies; Sic enim habet tex. Matth. 23. cui alludit Laderchius, *Dilatant phylacteria sua*; undè & Concilium Laodicen. cap. 30., quod est in Can. Non oportet 26. quæst. 5. ait: *Non oportet, Clericos facere phylacteria, quæ animarum suarum pericula probantur*; & Joan. Diac. in Ep. ad Carol. M. *Phylacteria tenni argento fabricata, vili-que pannode collo suspensa commemorat*; ac D. Gregor. Pap. lib. 12. ep. 7 *Excellentissimo Filio nostro Adnolvaldo Regi transmittere phylacteria curauimus*.

R. Oppidò eruditum te probas, mi Sejane, vix tantum operæ sibi Laderchii Historia flagitasset; quanquàm & ipse Laderchius non ineruditus videri potest, cùm alibi passim; tùm præsertim pag. 246. tom. 3. ubi ex Budgè Cicer. Aulo Gall. Historici officium illustrat.

S. Hæc in lexicis vulgò prostant. Prosequere mecùm ad alios Auctoris nostri barbarissimos in primo tomo notandos, nam pagina 17., atque alibi

qui-



† *vigesimum* scribit pro *viceſimo*. pag.98. *tantum* †Error 53  
 † *fas attentare* pro *tantum nefas*; pag.162. *lingua* †Error 54  
*ejus* † *concinuit dolum* pro *concinnavit*, ut in psal.49. †Error 55  
*lingua tua concinnabat dolum* pag.356. † *tredecim* †Error 56  
 habet pro *tredecim* pag.141. † *Moguntiæ* Conci- †Error 57  
 lium Congregatum statuit, pro *Moguntie*; pag.304.  
*Baptismum, mi*, declinat pro *Baptismus, mi*; aut  
*Baptisma, matis*; idque non ſemel, ſed bis repe-  
 tit: *regularis profeſſio non eſt ſecundum* † *Baptismum* †Error 58  
 Et paulo poſt *Hujus hac de cauſa* † *Baptismum in-* †Error 59  
*validum* judicatur ut omittam idiotiſmos illos,  
 cum in diſjunctiva negatione particulam *vel* pro  
*an* uſurpat, quemadmodum pag.125. *utram Ro-*  
*nam petieris*, † *vel ne, ignoratur*, & pag.271. *potest* †Error 60  
*ne*, † *vel e contra?* cui ſimile eſt illud in tomo 2. †Error 61  
 pag.30. *at talis doctrina vera erat ne*, † *vel falſa?* †Error 62  
 & ſic alibi.

R. Hoc ad elegantiam magis, quàm proprietatem ſermonis ſpectare videtur.

S. Proprianè tibi videntur quæ tom.2. habet, nimirum *ſcutere* pro *excutere* pag.200. *debet prius*  
 † *ſcutere nummum*; & *divitia, tia*, ſingulari numero prolata pag.501. † *Sempiterna divitia, vel pa-* †Error 63  
*upertatis contemplationem*, & tom.3. pag.110. *decubare* †Error 64  
 aſtivo modo pro *reclinare* ibi *Homini in* † *cubiculum aliquod incluſo* de ſuis tantum rebus ſollicito,  
*corpus humi* † *decubare aſſueto*, ubi etiam *intra cu-* †Error 65  
*biculum aliquod incluſo*, vel *in aliquo cubiculo* dicen-  
 dum fuerat; nec non pag.422. *Et agnovit* † *praſtò* †Error 66  
*tua perditionis indicium*, quaſi adverbium *praſtò* non †Error 67

D

pa.

*paratum, aut in promptu esse*, sed idem quod *citò*, vel *statim* [quod nos *promptement* dicimus] significaret, possetque alteri, quam verbo *sum*, & compositis, juxta grammaticæ canones, adjungi: hæccine, inquam tibi, Ruffine, propria videntur, an etiam eleganter exposita? Quid, quodd nominum etiam significationem propriam ignorat Laderchius? Quis enim nescit, per *diploidem* duplicatæ vestis genus indicari? at ille, velut recoctum lactei feri coagulum, aut lutum, aut quidpiam aliud, quo facies per ignominiam illiniri queat, est interpretatus, dum lib.6. cap.7. pag.304. sic habet: *Facies eorum Petrus implet, † sicut diploide, confusione.*

†Error 68

R. Nec dum satis officio pedagogi functus es? Nec tua aliquando brachia lassantur hac ferula?

S. Jam scio: in proximo est duodecima, quæ te criticæ nostræ pertaxum ad prandium vocat, Unam permitte observantiunculam, mox dimitto.

R. Nihil est, quod urgeat ad discessum, nisi te Mæcenæ tuus expectaret: non minimè porro utilitati, ac voluptati colloquia mihi tua cedere scias; deprome itaque observantiunculam.

S. Nosti, duplicatam in eadem clausula negationem assertioni æquivalere.

R. Quis nesciat?

S. Ignota profectò hæc grammaticæ lex Auctori nostro fuisse videtur, qui frequenter adeò in illam impegit; nam in Præfatione ad finem secundæ paginæ scripsisse vidimus; *neque trium mensium ut* †Error 69 *fuit, opus fateor † non duxi, hoc est non cogitabam* *hinc.*

huic operi tres menses impendere, & post quinque paginas Ne quod superfluum est, & inutile, in hoc ipso approbare † non videar, nimirum ut non videar, & pag. 46. tom. 1. ait. Minus ex identitate constitutionum constat † non probari talem unitatem pro eo, quod † Error 70  
est, minus constat probari; ac pag. 85. Neminem in † Error 71  
Italia eximius, constitutiones tradidisse † non invenimus, hoc est, nullum invenimus; & pag. 291. Caveat, aeterno Judici quid possit respondere, ne † habeat, † Error 72  
nempè ne desit quid illi respondeat; & pag. 303. districte prohibentur nuptias † non presumere, hoc est, † Error 73  
jubentur non presumere. Et in tom. 2. pag. 501. Nullum sibi emolumentum ex secularibus istis sperare sibi caro nostra † non possit, hoc est, nihil inde sperare † Error 75  
queat; & pag. 520., sed † nec sub pietatis specie † Error 76  
ad secularia reverti districte semper prohibuit, nempe reverti ad saeculum semper prohibuit; ac pag. 564. Adamantis sigillum formam ceteris lapidibus imprimit, sed vicissim in se nullius soliditatis imaginem † non admittit, hoc est, nulla figura obfignatur, † Error 77  
& sic de aliis similibus, quæ ex discretionem, non ex verborum sono æstimanda, & interpretanda passim occurrunt.

R. Video à te singulos ferme apices historiarum hujus excussos, ut illum septuagies, & septies lapsum ostenderes; at Evangelico præcepto illi ignoscendum fuerat, vel si septuagies septies peccasset: nec tamen difficile paulo majori diligentia potuisse, ac debuisse lucubrationem hanc exarari ab Auctore, à typographis emendari; tam venusto nihilomi-

nus stylo expressa est, ut ab his navis majorem fortè gratiam accipiat; nam & Veneres nostras nigris maculis faciem inspergere nosti, è quibus curatæ cutis candor vividius emicet.

S. Habeto tibi tuas veneres. De stylo pomeridianis horis conferemus; & quot ineptiis redundet examinabimus, Vale.

R. Difficiliorem provinciam in te suscipies; sed nolo discessum morari: reducem post tres horas expecto.

### Colloquium III.

### SCUTICA

Innumeris Laderchiani styli ineptiis,  
& Verbi Dei profanationibus castigandis adhibita.

**R** O summam diligentiam! Tàm citò à prandio expeditus?

S. Pigre, & insuaves videbantur horæ, quæ me à te devehabant.

R. Sed & lætior quàm antea tibi aspectus.

S. Nempe tetricum pædagogi vultum deposui.

R. Critici tamen personam non exuisti.

S. Donec à Laderchii patrocínio te avocaverim, non dimittam.

R. Nul-

R. Nulla quidem mihi cum illo necessitudo est, at non sine quorundam plausu ejus stylum à Vi-ro summæ dignitatis commendatum audiui, nec patior eundem à te, aliisve paucissimis contribulibus tuis impunè traduci.

S. Miror, homines adedò vecordes repertos, ac tam corrupto erga bonas litteras gustu instructos, quibus ejusmodi rhapsodiæ salivam moverim.

R. Pacatiori animo hæc dispiciamus. Est aliquid in unaquaque re Primum esse: tot Scriptorum vestigiis tritas vias ingredi, atque emetiri nimisquam vulgaris laus est, at Laderchius noster novam sibi semitam aperiens, ut classi eruditorum non modò se adjungeret, sed præiret, insuetam penitus scribendi formam usurpavit; ut cum Poeta Philosopho canere possit.

*Avia Pieridum peragro loca, nullius ante  
Trita solo: juvat integros accedere fonteis'.  
Atque haurire, juvatque novos decerpere flores,  
Insignemque meo capiti petere inde coronam;  
Unde prius nulli velarint tempora musæ:*

nimirum historicas narrationes cum mysticis Scripturæ Sacræ expressionibus aptè conjunxit, & criticum stylum, consertis ubique venerandis phrasibus ex utroque Testamento petitis, expolivit simul, ac consecravit.

S. Papè! An potius miserè fœdavit? Nullo enim, ut vides, delectu, judicio nullo, centonem mendicitati suæ consuit, nec reverentiæ Sacris Literis debita, nec decoris servandi, nec prudentis appli-

plicationis uspiam se memorem præbuit.

R. Quàm diversa sunt hominum judicia !. si te adversus Laderchii stylum mustitare Quintinus cognosceret, in numero pereuntium animarum cum reprobis esse recensendum pronuntiaret ; Sic enim in hujus operis approbatione de Laderchio scripsit: *Ne doctrinam è calo inspiratam terrena labe contaminet, nititur plerunque phrasibus Scriptura Sacra inter se connexis, existimans, verbum Crucis iis, qui salvi fiunt, non minus gratum fore, quàm pereuntibus ingratum.*

S. Undè hoc Quintino lumen affulsit, ut certum Prædestinationis criterium in approbatione Laderchiani styli reponeret? Indè nimirum, undè & Laderchii doctrinam è calo inspiratam sordidus assentator pronunciat. Interim probi quique, ac docti viri stomachum sibi ex tam inepta sententiarum farragine subverti fatentur, ac bilem ipsam fuscèque moveri.

R. Quid narras? An non hic ipse stylus est, quem Bernardus Claravallensis, quem ipse Petrus Damiani, quem pii quilibet Ecclesiæ Scriptores [ in asceticis saltem operibus, nam ad historicas lucubrationes primus, ut arbitror, hic Auctor traduxit) prosequuti sunt, ex Divinarum scripturarum thesauris nova, & vetera testimonia proferentes, eaque suis sententiis passim opportunè adaptantes?

S. Si nil distaret à sedulo, prudentique imitatore putidus, & ineptissimus affectator, nihil esset planè similius: Sacram Scripturam apposità, & pro  
re

re nata in usus suos quasi spontè venientem illi admiscere, non *in securi*, & *ascia dejecerunt eam*, ut passim hic solet.

R. Sua semper constare debet sacris literis venerationio.

S. Omni quidem veneratione sacra dicta sunt excipienda, sed ob hoc ipsum intemperatus ipsorum usus meritò vituperandus est; nam ut suo loco positz Divini Codicis phrascs, sermonem gemmarum instar ornarent, ità ubilibet citrà sobrium, ac prudentem usum sparsz, immò citrà delectum, citrà ordinem, citrà connexionem, citrà propositum congestz, lapidum instar obruunt, impediunt, atque à progressu lectionis quemlibet non depravati gustus absterrent.

R. Vereor, ut hujus novi styli venustates non satisfugstaveris. Quid enim comparari potest cum initio capitis primi lib.3., undè secundum hunc tomum auspiciatur Laderchius?

S. Cujusmodi illud est?

R. Ecce. *Dum igitur Roma cantaret Dilecto suo Beatissimus Petrus canticum Patruelis sui vineę suę, & vinea Agnetis Augusta facta esset dilecto suo in cornu filii olei, & sapires eam salutaribus monitis, & lapides eligeret ex illa, & plantaret eam electam, & adificaret turrim in medio ejus; & torcular extrueret in ea, facta est illi à Venerabili Desiderio Cassinensi Abbate vox dicentis, capite nobis vulpes parvulas, qua demoliantur vineas.*

S. Atque hic tu elegantiam, & eruditionem

re-

reperis? Ego sobrietatem, & prudentiam scriptoris desidero; nam quis futurus erit Sacrarum Scripturarum abusus, quæ profanatio, si deliramenta hæc in exemplum abire impunè permittantur? Quid enim verò, per Superos omnes obtestor, hoc loco significare potest *Canticum Patruelis sui vinea sua? Quid illud cornu filii olei? quæ turris adificata in medio Agnetis? quod torcular in illa extructum?* Vides nè hæc aut ineptam, aut etiam obscenam, certè parùm decoram speciem in Lectorum mentibus excitare; quemadmodum, & illud, quod de Cadaloo, & Alexandro II. pag. 145. hujusmet 2. tomi insulsè profert *Licet Alexander adificasset in gyro ejus: & illud tom. 3. pag. 307. Quietissimum sapiens: Licet is, qui foris erat suus homo corrumperetur, tamen is, qui intus erat, renovabatur de die in diem: & alia multa ejusdem commatis?*

R. Omnia munda mundis; nisi velis usque adeò cavillari, ut præclaram etiam illam expressionem redarguas, qua Theuzonis Eremitæ ex Damiani epistola resipiscentis conversio ad vivum describitur lib. 3. cap. 5. num. 2. pag. 47. tom. 2. his verbis *Nisi enim Dominus exercituum reliquisset Theuzoni Semen verbi sui ex ore Beatissimi Viri, quasi Sodoma fuisset, & quasi Gomorrha similis esset.*

S. Scilicet de Theuzone Eremita Florentiæ degente, ut video, loquitur Auctor: quasi verò alterius, quàm arrogantis criminis reus à Damiano correptus esset!

R. Immò Florentiæ tùm non fuisse Theuzonem  
ad



adversus Baronium eruditus Auctor contendit.

S. Erit aliàs de hoc disputandum. De stylo prosequamur.

R. Non puto, sinistra interpretatione te accepturum, quòd prudentissimus hic animarum Director in quosdam muliercularum spirituales Patres scripsit hoc eod. tom. pag. 132. *Qui idoneos se putantes ministros novi Testamenti, ne aliquis intendat in faciem ipsarum, propter gloriam, quam jactant vultus earum [ qua certè postea evacuantur ] prohibent furore potius, quàm zelo.*

S. Furere mihi ipse videtur, tùm inepta applicatione verborum Apostoli, tùm in hujus prudentis cautelæ inconsulta criminatione: nec magis decora sunt, quæ paulò post subdit de PETRO DAMIANI, qui *magis presenti alligatus erat Augusta in manibus enim suis descripserat eam, & muri ejus coram oculis ipsius semper.*

R. Scio cui alludas; Sed contra apertissimam Auctoris mentem, cujus verba quantam spirent majestatem Viro Ecclesiastico dignam, & quantam prudentiam spiritus, ac venustatem sermonis præferant, satis intelliget quisquis puro animo, ac simplici oculo eadem contempletur.

S. Expecto, ut venustatem sermonis, prudentiam spiritus, ac majestatem Viro Ecclesiastico dignam deprædices etiam in pag. 249. tom. 1. ubi pignora benevolentiz Leonis IX. in PETRUM DAMIAN. describens ait. *Videns igitur dominus, quòd Jacob despiceret Liam, scilicet Petrum Leo, aperuit*  
E vul.

vulvam ejus, qui tot filios concepit, quos prius tradidit institutiones: videns humilitatem ejus, & audiens, illum haberi contemptui, ut amaret illum Summus Pontifex, & copularetur illi, habitare fecit sterilem in Domo Ecclesia Matrem filiorum latantem, benedixitque filiis suis in eo; veruntamen non invenit gratiam in oculis ejus, nec fuit comedens in mensa ejus, quamvis duo pignora Spiritus sui ei dedisse inveniamus, licet, ut credimus, in diebus primis. Ubi patet, Auctorem de Damiano perinde ac de fœmina quapiam perpetuò loqui, putidamque allegoriam usque ad inverecundas partes (*aperuit vulvam ejus*) usque ad fœdum commercium. (*& copularetur illi*) continuare.

R. Video te mysterii penitus ignarum cum vulgo excurrere: putas nimirum PETRUM DAMIANI Virum fuisse, cum reverà Fœmina fuerit.

S. Quod audio monstrum! Ludis, opinor, cum illo Burdigalensi Chimico, quem annò superiori cum interrogassem, quid profecisset in suis circa mercurium studiosis operationibus, quasi grande mysterium in aurem insurrans: amice, inquit, quàm in scitè oleum, & tempus perdit nostrorum artificum vulgus, cui persuasum hætenus fuit masculinum esse mercurium! ego ædepol fœminam esse denique comperi.

R. Apage chemicorum nugas: ego seria loquor, & quæ, Laderchio teste, Deus ipse revelavit dicens tom. III. lib. 5. cap. 3. num. 3. pag. 15. Non est vir

Pe-

*Petrus, ut putatis, qui possit mittere manum ad fortia, sed mulier.*

S. Bona tua venia, textum integrum ab initio ejusdem num. 3. relegam, ut arcani hujus rationem intelligam; Idcirco inquit Laderchius, cum deposito tandem, ut vidimus cum Cardinalitia dignitate Episcopatus, sederet ad pedes Jesu marens, & offerens sacrificium spiritus contribulati in recordatione peccatorum suorum, & putrescerent, & corrumperentur cicatrices sue à facie insipientia sua, ideòque audiret murmurantes: ut quid perditio hac? cansantes videlicet, quod unguento ungeret tantum pedes Jesu, vivendo sibi soli, qui multis prodesse poterat, & dicentes; potuit enim venundari multo, & dari pauperibus; verus humilis non bonum mercatum hoc sibi credidit; nimis enim pertimuit in Ecclesiastica gloria dignitatis detrimentum sui facere, unde intelligens verba hac inter illas esse, quas scriptura loquitur, muscas morituras, quae perdunt suavitatem unguenti, recordatus est Divina illius sententiæ; Popule meus, qui te beatificant in errorem inducunt. & excusantem Dominum, respondentem pro se eis, qui quasi de otio incensabant se audire existimavit, & dicentem: quid molesti estis huic mulieri? Quod est: Vos videtis in facie, & ideo secundum carnem judicatis; non est vir Petrus, ut putatis, qui possit mittere manum ad fortia, sed mulier: quid tentatis ei imponere jugum, ad quod ego minus sufficientem intueor? Bonum opus operatur in me; stet in bono, quia non convalescit ad melius. Hoc pacto de abdicanda Ecclesiastica dignitate Petrus consilium firmavit.

E 2

R.

R. Quid ais nunc Sejane? Vides germanam causam, cur Damianus Cardinalitix, & Episcopali dignitati nuncium remiserit, ab Auctore nostro tandem proditam; quia videlicet audivit Dominum sibi dicentem, quod *non vir erat, sed mulier* huic oneri insufficiens, nec poterat ( ut infra subdit Laderchius ) *molles, & famineos humeros suos virorum supponere sarcinis.*

S. Vix meismet oculis credo; quis enim in animum induxisset, postquam ab eruditis confutata est Joannæ Papissæ fabella, hanc novam *de Damiana Cardinalissa* fore à Laderchio excogitandam?

R. Non fingit hoc mirabile arcanum Laderchius, sed à Domino revelatum narrat: idque firmitus persuasum habet, quàm ut illum sperare possis de sententia dimovere; undè postremorum capitum hujus Operis tituli habent: *Fide accepit mulier de resurrectione mortuos suos Joannem scilicet Laudensem &c.* Et iterum: *Fide accepit mulier de resurrectione mortuos suos, Sanctum nempe Dominicum Lorisum &c.*

S. His locis Matrem Ecclesiam intelligebam.

R. Si reliquis titulis comparaveris, de Damiano ubique loqui cognosces. Nimirum tituli omnes lib. 5. per hæc verba incipiunt *Cardinalis Episcopus*, & subindè variantur juxta varias dotes, quas in Episcopo exigit Paulus epistolæ ad Tit. cap. 1. exempli causa cap. 3. 4. & 5. *Cardinalis Episcopus non superbus*: cap. 7., & 8. *Cardinalis Episcopus non iracundus*: cap. 9. 10. 11. 12. 13. *Cardinalis Episcopus non vinolentus.* S.

S. Tàm multis capitibus contendendum erat, ut suaderet, Damianum austerum eremicolam non Vinolentum fuisse?

R. Non solum ab ebrietatis fuga dotem hanc in Damiano commendat; Sed ex quo insuper vigiliarum disciplinam restituerit, clericorum incontinentiam sit infectatus; celebrandarum nuptiarum tempora violantes represserit; intemperantem conjugatorum libidinem frænauerit; nugas, sales, lepores, facetias fuerit detestatus.

S. Itaque Cardinalis Bellarminus Petrum Damiani *vinolentum* fuisse crediderat, quando illum in lib. de Script. Eccles. *facetum fuisse, & ludendi, ac falsè carpendi artem non ignorasse* pronunciavit. Sed perge.

R. Cave ampliùs interrompas hanc titulorum œconomiam. Itaque cap. 14. ostenditur *Cardinalis Episcopus non percussor*: cap. 15. 16. 17., & 18. *Cardinalis Episcopus non turpis lucri cupidus*; cap. 19. *Cardinalis Episcopus hospitalis, benignus*: cap. 20. & reliqui. usque ad 27. *Cardinalis Episcopus fuit Sanctus* Cap 28. 29. 30. 31. *Cardinalis Episcopus amplexatus est eum qui secundum doctrinam est, fidelem sermonem*. Mox de fide S. Doctoris in lib 6. tractaturus omnes titulos incipit per hanc vocem *Fide*; atque sicut perpetua commentatione Epistolæ ad Titum librum 5. absoluerat, ità in hoc sexto prodigia Fidei PETRI DAMIANI applicat; undè cap. 2. ait: *Fide vicis regnat*: cap. 3. 4. 5. 6. & 7. *Fide operatus est iustitiam*: cap. 8. *Fide adeptus est repromissionem* cap. 9., & reliq. usque ad 16. *Fide obscuravit ora leonis*. S. Da

S. Da veniam tantisper, obtestor, dum adedò multiplicem hujus textus applicationem cognoscam integris octo capitibus digestam.

R. An nescis, Damianum fideliter veritati adhæsisse, & doctrinam suam contra impugnantes defendere non dubitasse; ad hæc Philosophorum veritas detestatum; eos, qui plus volunt sapere, quàm oportet, odisse: circa diem conceptionis S. Joann. Baptistæ deceptum, & per visionem à Deo emendatum? Hoc Laderchio est *Fide obscurare ora leonis*.

S. Esto etiàm *conculcare leonem, & draconem*, per melicet. Prosequere.

R. In cap. 17. ostendit, quod Damianus *Fide extinxit impetum ignis*: cap. 18., & 19. *Fide effugit aciem, gladii*: cap. 20., & 21. *Fide convalescit de infirmitate*: cap. 22., & 23. *Fide factus est fortis in bello*: cap. 24., & 25. *Fide castra vertit exterorum* ac demùm cap. 26. 27., & 28. *Fide accepit mulier de resurrectione mortuos suos*. ubi quis dubitet, pariter de Damiano, tanquàm muliere, Laderchium loqui? nec enim Ecclesiæ, sed Damiani Fidem toto hoc libro sibi illustrandam suscepit.

S. Frustrà huc trahis nostri Historiographi verba, qui ad Matrem Ecclesiam expressè retulit hujusmodi titulos, quidquid sit, an satis appositè fidem Ecclesiæ hic celebrandam in Damiani laudem assumpserit.

R. Quid, si Ecclesiasticos omnes, ipsumque Christum Dominum in fæminam mutatum tibi apud Laderchium ostendéro?

S.

S. Quas loqueris blasphemias?

R. Confule pag. 238. ejusdem hujus tom. 3. videlicet in lib. 5. cap. 31. n. 6., ubi Ecclesiasticorum vitia redarguens ait: *Non sunt profecto Matres, qui, cum sint de Crucifixi Matrimonio nimium incrassati impignati, dilati, non compatiuntur super contritione Joseph. Porro Matres, & Matrimonium ad feminas referuntur.*

S. Idem & mihi videtur.

R. Sed, dum præ manibus est, non pigeat hujus textus reliquum maxima zeli expressione conceptum audire: Sic ergo persequitur. *Archiprasbyter circumit obedientiam sibi creditam, & ut impleat Saccum suum, tradit Sanguinem iustum, vendit nempe homicidia adulteria, incestus, fornicationes, Sacrilegia, perjuriam, & usque ad summum implet manticam suam. Famà igitur volante, innotescit Episcopo talis quæstus, & accersito Archiprasbytero: da mihi, inquit, partem meam. At ille: nihil dabo tibi. E' contra Episcopus: Si non dederis, inquit, mihi partem meam, auferam tibi omnia. Fitque altercatio maxima, & propter avaritiam fit discordia. Postea verò Archiprasbyter revolvens secum, quod auctoritate Episcopi fungatur, istà necessitate, & quod sine gratia ipse nihil possit, perversè conversus: penitet, inquit, me: accipe partem tuam, & insuper de mea, quod beneplacitum fuerit; & reconciliantur. Heu, sicut Herodes, & Pilatus reconciliati sunt, & Christus crucifixus est; sic nihilominus isti reconciliantur, & pauperes Christi spoliati sunt. Ea tempora planè fada à negotio*

*tio perambulante in tenebris: quapropter ea generationi huic à fermento Pharisaorum, quod est hypocrisis.*

S. Obsecro, mi Ruffine, Apologum ne, an Parabolam recitasti?

R. Quod voles erit; modò eruditam, concinnam, lepidamque suprà omnem gustum narrationum fatearis.

S. Non repugno. Fac tantùm intelligam, quorsum hæc ad Damiani gesta pertineant.

R. Id usque admodò reconditæ eruditionis est, ut si candidè fateri velim, scriptoris mentem ne ipse quidem sim assequutus, nec adhuc planè definire licuerit, de quo Præbytero dicat hoc, de se, an de alio aliquo.

S. Fabulam ego dixerim; cum in scriptoribus vitæ PETRI DAMIANI, Joanne videlicet ejus discipulo, Hieronymo, Rubeo, Joanne Antonio Flaminio, Augustino Florentino, aliisque Auctoribus de Sancto Doctore loquentibus, nullum facti hujus vestigium appareat.

R. Ejusmodi Auctorum (præterquam Joannis) historis non admodùm fidendum esse censet Laderchius lib. 1. cap. 34. num. 4. de quibus, & ad finem Præfationis ità senserat: *Idipsum, quod primus narravit, ceteri rescripserunt, unde nobis ex scriptorum multiplicatione non est magnificata veritas.*

S. Undè itaque horum indigentiam noster Auctor supplevit? Undè potuit tantam corradere dicendorum farraginem, qua vitam Damiani vix tribus



bus foliis à Joanne discipulo compræhensam, in tres ipse tomos distraheret, atque amplificaret?

R. Audi ex eodem Laderchio in Præfatione. *Extendere, inquit, calum hoc, sicut pellem, credidi, ut pulcherrima videlicet hac pelle, in modum magni cujusdam tentorii universam operiendo faciem Catholica Terra, illius admirabili sanctitate, & doctrina, qua fulget Ecclesia, ut sole luna, humani, & devoti oblectarentur aspectus.*

S. Extendisse pellem video; quibus verò lacertis confusus id attentavit?

R. Id ignorare non poteris, si post quinque paginas in eadem præfatione hæc legeris. *Adjuvat insuper & ipse Beatissimus Pater infirmitatem meam, dum nimirum in hujus historia elaboratione ex Sacre Scriptura phrasibus, & SS. Patrum sententiis, assumpsi tibi adiutorium simile mihi.*

S. Intoleranda præsumptio, ut simile sibi adiutorium appellare audeat PETRUM DAMIANI, ipsumque Verbum Dei, & Spiritum Sanctum in aliorum SS. Patrum scriptis loquentem!

R. Memineris, Laderchianam hanc historiam, velut *doctrinam à celo inspiratam* à Quintino magnificari: Sed, & ipsummet Laderchium illam velut *ab ipso Deo purificatam* pronunciare in Præfatione, ubi se excusat, quodd à Magnorum Virorum sententiis persæpè recesserit, dicens: *Parcans, rogo, ori meo eruditissimi homines, si quod Deus purificavit, commune non dicam.*

S. Præsumptioni jungenda hæc infania fuerat,

F

ut

ut ineptias suas cælo probatas jactaret! At ne extra chorum saltemus, ego nihil injuriosius, nihil magis blasphemum erga Divinas res conflare posse crediderim hoc insulso Laderchii stylo; quem dum prosequi affectat, tot putidas, ac male olentes sententiarum quisquiliæ; quæ in locis hætenus excussis occurrunt, pleno modio profudit.

R. Jam non licebit sacras dicendi formulas adhibere, & verbi Dei efficaciam tantoperè à SS. Patribus commendatam imitari: quasi verò Christiani Scriptores ab æthnicis eloquentiæ magistris omnem dictionum suppellectilem emendicare cogantur, propriæ Religionis thesauris omninò neglectis!

S. Quid intersit, jam semel expressi. Memini apud Paulum Cortesium longè aliam imitandi rationem viris Ciceronianis præscriptam, quos non probat Ciceroni similes esse, ut hominibus Simias, sed ut filios parentibus. Simiæ externa quædam dumtaxat representant, filii etiam internarum quosdam gestus, & motus, nec tamen appositè, sed inconcinne referunt, quibus ad risum excitent spectatores; isti vultum, animum, indolem, mores parentum suorum æmulantur, quibus sibi omnium amorem, & admirationem conciliant. Sumere hinc inde verba, & sententiolas, atque invicem, velut tesseras, emblemate vermiculato compingere, non istud est imitari, mi-Ruffine, sed colligere, consuere, ac conferruminare; totum verò alicujus Authoris, & maxime Sacri spiritum ebibere, & in

& in similibus argumentis similes animi sensus, servata rerum dignitate concipere, ac pari decore proferre, hoc demùm est prudenter imitari: quam laudem sacris scriptoribus non deesse scio; sed in Laderchii historia frustra requiro, ubi vix aliud passim occurrit, quàm perpetuus, & latissimè patens sacrorum Verborum abusus, & continua sententiarum S. Scripturæ impudentissima adulteratio.

R. Nondùm hos sacrorum verborum abusus, nondùm tot sententiarum scripturæ adulterationes in Laderchio demonstrasti.

S. Quando te hætenùs adducta exempla non movent, brevioribus armis tecum congregiar. Decorandè tibi videri potest sententiarum Divini Testamenti applicatio, cum quæ de Christo Domino D. Paulus enunciat, quæ in Psalmis, in Canticis, in Evangeliiis de illo scripta sunt, eadem, sine ulla veniæ præfatione, PETRO DAMIANI adaptare Laderchius nititur? Legem jam quæ lib.5. cap.32 num.4. pag.243. tom.III. congessit. Cui enim Sanctorum Episcoporum dixit Dominus in Eremitica conversatione, *Sede à dextris meis: vel rursus quem Eremitarum toties, tanquàm virgam virtutis suæ emisit dominus ex Syon dominare in medio inimicorum suorum?* Cui anquàm dictum est, *quis mihi det se fratrem meum sugentem ubera matris meæ, ut deosculer te foris, & me nemo despiciat?* Et lib.3. cap.9. pag.112. tom.II. *His studuit Petrus reformare corpus humilitatis Canonicorum Regularium in Eremitica dis-*

disciplina, configuratum corpori clarissimæ suæ, secundum operationem, qua etiam omnia sibi subiacere, & ad pristini fervoris apicem, qua in Ecclesia erant, revocare summopere concupivit. Quibus paulò post subiungit: *Juxta meritò igitur extollens vocem quidam de turba ipsorum Canonorum Regularium dixit &c.* Et lib. 4. cap. 21. num. 3. pag. 491. tom. II. Hoc igitur principium in die virtutis suæ, cum in splendoribus sanctæ conversationis genitus fuit, perseveravit cum illo usque in finem. Et quod aliàs expendimus in pag. 245. tom. III. Mirabile certè mysterium, ut vir Sanctissimus quod fuit permaneret, & quod non erat, assumeret, non commixtionem passus, neque divisionem: cui similis est parodia illa, qua Theologicum axioma de Christo prolatum: *Quod semel assumpsit, nunquam dimisit*, ita inflectit ad finem cap. 32. lib. 1. pag. 228 tom. I. *Qua ab eo* (nempe a PETRO DAMIANI) *universalis Ecclesia semel assumpsit, nunquam dimisit.*

R. In his duobus locis postremò adductis nulla occurrit Sacræ Scripturæ depravatio, nec enim ex divinis libris verba illa traduxit.

S. Formulas ab Ecclesia, & communi Theologorum usu consecratas pariter nefas est in alienum sensum detortas vitiare. Adde, innumeris aliis locis, Sacræ Scripturæ loquutiones à Laderchio passim inverti, quas mirum est, non satis adhuc à te notatas, atque animadversas fuisse. Quis enim ferat emphaticam illam expressionem Apostoli de Christo Domino ad Damianum ineptè applicari, de quo Laderchius pag. 353. tom. 1. sic scribit: *Om-*

*nia*

*nia Ecclesiastica negotia portans Verbo virtutis, sua, purgationem peccatorum fecis, tanto melior Episcopis ceteris effectus, quanto differentius, ut Monachus final, & Episcopus pra illis nomen hereditavit.*

R. Nimirum erga PETRUM DAMIANUM affectus expressioni haec danda sunt. Porro non mihi penitus ignota putes tam multiplicia PETRI DAMIANI encomia, quibus à Laderchio celebratur, cujusmodi est illud pag. 8. tom. 1. *Hoc nunc vobis scire conveniat, quod à PETRI DAMIANI oratione usque ad occasum, fuit in eo laudabile nomen Domini.* Et ubi in Praefatione sic loquitur: *Propter PETRUM DAMIANI non tacebo quae ad vitam, & laudes ejus aliquo modo spectare censebo, ut cognoscatur in terra via ejus, in gentibus salutare ejus, nec vagari incipiam post greges sodalium suorum.* Et paulò post elegantissimè sic statuit: *Audacter dicam, quod ea tempestate in Ecclesia Dei omnia ferè per ipsum facta sunt, & memoria dignum sine ipso ferè factum est nihil.* Quae vides, Sejanè, quanta moderatione sint ab Auctore nostro prudentissimè circumscripta.

S. At quibus limitibus horrendam illam blasphemiam circumscripsit, qua caput duodecimum lib. 2. concludit pag. 397. tom. 1. *ut viderent omnes gentes, quod tantum in illo (idest PETRO DAMIANO) erat Deus, & non erat absque illo Deus, quod utique execrabile est adversus Immenstatem, Independentiam, atque Essentiam Divinam pronunciatum?*

R. Et tamen Romae editus liber est, Magistri Sacri Palatii, & Episcopi Vicesgerentis auctoritate munitus.

S. Quin-

S. Quintinus approbatione sua turpiter utrumque fefellit. Nostris Doctoribus Sorbonicis id non excidisset. Sed pergamus. Apposita ne etiam à te judicabitur textuum, in quibus Judæorum Pontificis, aut Æthnici Præsidis mentio agitur, ad Catholicæ Ecclesiæ Principem Romanum Pontificem applicatio?

R. Id bis tantummodò Laderchius usurpavit, nempe pag. 124. tom. I. lin. ult. *Discipulus iste Domini Jesu jam erat notus Pontifici*: & pag. 356. ejusd. tomi, circa med. *PETRUS noster DAMIANI audacter ingressus Pontificem ab eo primò petiit &c.*

S. Est ne etiam præclarus sacrorum verborum usus, si quæ à Spiritu Sancto adversus impios, & peccatores contorta sunt, contra Catholicos scriptores retorqueantur?

R. Fateor, aliquantò intemperantiùs hac in re gessisse Laderchium: dum tom. I. pag. 219. de Guilielmi Durandi sententiis ait: *Sed hæ illius assertiones sunt, velut interruptio cadens, & requisita in muro excelso, quæ comminuitur, sicut conteritur lagena figuli contritione prævalida, itant non inveniatur de fragmento ejus testa, in qua portetur igniculus de incendio, aut hauriatur parum aquæ de fovea.* Et pag. 244. de Portunio, Rubeo, & Flaminio sic habet: *In tenebris ambulantes vias ejus ignoraverunt, & introitum ejus & exitum, tempora non distinxerunt, & confuderunt personas*: ac pag. seq. Cardinalis Bonæ testimonia convenientia non esse asseverat, ubi & Petrum Diaconum insuggillat; nec non tom. II.

pag. 26. *Ut lutum platearum delere jubet quæ Dida-  
cus Franchus in historia Sancti Joannis Gualberti  
tradiderat ; de quo Scriptore etiam tom. III. pag. 322.  
hæc subdit : Non judicans honorem animarum San-  
ctarum, nec intelligens quæ de bono thesauro cordis sui  
Vir admirabilis protulit bona, quia verò stultum in-  
terfecit iracundia, & parvulum occidit invidia, dum  
his ; & aliis patet justum circumvenire, quoniam inu-  
tilis est sibi, & contrarius, ut credit, operibus suorum.  
Verum in his ego tantum crimen relucere non  
video.*

S. Leviuscula, fateor, hæc sunt : at quid de  
Clarissimo Ecclesiasticæ Bibliothecæ Scriptore Du-  
pinio pag. sequ. 323. scribit Laderchius? nimirum,  
hanc Bibliothecam infamare nititur, sic de illa, &  
ejus Authore pronuncians : *in qua tantas refert fa-  
bulationes, sed non ut lex Dei, perditque sapientiam  
sapientum, & prudentiam prudentum reprobat, & ni-  
bil sibi minus esse videtur à magnis Apostolis, & Do-  
ctoribus, tanta audacia dedit cor suum, ut sciret pru-  
dentiam, atque Sanctorum doctrinam, erroresque, ac  
stultitiam, tanta reineritate venerabilium Doctorum,  
& Ecclesia Patrum scripta, ventilat, tratinat, &  
tanquam potestatem habens, recipienda, vel non acce-  
pienda proponit, licet reverà nihil sit, & ex ore suo  
judicetur, vel non legisse quæ scripsit, vel non intel-  
lexisse quæ legit. De quo scriptore etiam paulò an-  
te pag. 315. hæc effutierat : Qui in Sanctorum Eccle-  
sia Patrum tota die injustitiam cogitavit lingua sua,  
sicut novacula acuta fecit dolam, & dilexit omnia ver-  
ba*

ba præcipitationis lingua doloſa. Unde ſcripſit, nimis credulum Beatiffimum Doctorem N. fuiſſe (qua tamen in re longè mitior fuit Dupinii, quàm Bellarmini Cardinalis in Damianum cenſura, ille ſiquidem hoc tantum aſſerit *Il rapporte quantité de viſions, & d'apparitions, aus quelles il ajoûte créance très facilement*; cum hic aperte dixerit, *fabulis ſimiliora eſſe, quàm hiſtoria*, quæ à Damiano de aviculis referuntur) ab eoque tanquàm à labiis pollutis ſibi recedendum notat; quaſi non potius Laderchius ipſe fugiendus ſit, qui prophanis labiis Sacras res adeo ſædare, ac deturpare præſumpſit.

R. Jamjam teneo, quæ te aded infeſtum Laderchio cauſa reddiderit; amici nempe Doctoris apertior vituperatio. Nihil de aliorum ſcriptorum vituperationibus exaggeraſti, diſſimulans etiàm quoddam Cardinalem Bellarminum inter eos enumeraverit Laderchius, qui detraxerunt ſermonibus Beatiffimi Doctoris, & ad increpandum eloquia concinuerunt, & in ventum verba protulerunt, ſuper pupillum irruerunt, & ſubvertere niſi ſunt amicam ſuum, pag. 321. ejusdemmet tom. III. At Dupinium tuum à Laderchio vel minimùm tangi non pateris: hic ſcilicet ſtimulus te vehementius pungit, verùm refellendæ priùs erant Laderchii rationes, quibus illum tot nominibus redarguendum oſtendit.

S. Cras omnia diluam, interim nego, me amicitiz cauſa cuiquam inſenſum redditum. Virum ſanè eruditiffimum, atque ingentibus in literariam rempublicam meritis celeberrimum Dupinium ſuſpicio, ac mecum eundem ſumma exiſtimatione

di-



dignum judicant doctissimi, ac piissimi nostri Regni Scriptores, quos inter Clarissimus Mabillonius, qui in libro de studiis Monasticis Dupinis Bibliothecam Ascetis legendam non semel commendat; neque verò me, ob hujus laudatissimi Viri criminationem, à Laderchiana historia factum esse aversum ulli persuadebis; tùm quia non magis Dupinii gloriæ judicium Laderchii derogat, quàm solis lumini nocturnæ, bubones, ululæ, vespertiliones; tùm quia nimis apertum est, nonnisi vindicandæ Sacrarum Literarum dignitatis amorem, ac veritatis studium hos à me sensus elicere, citra ullam calumniæ speciem, citrà ipsius Auctoris odium, cui fausta omnia ex animo apprecor.

R. Laderchii nomine plurimas habere tibi gratias me convenit, uberiores etiam referrem, si (quod noster Historiographus in præfatione significavit sibi deberi, ibi: *Parcendum est igitur debili, & cæco, qui primus fragilem tanto commisit pelagratem*) ejus qualescunque in hac historia labores æquibonique fecisses, & stylum, quem primus in hoc argumenti genere excoluit, sin minùs probares, gratis saltem auribus, animoque benevolo suscipiens, non in ridiculi oblectamenti materiam jocus, & sannis tuis convertisses.

S. Quæ in Laderchii opere continebantur sincerè aperui; si risum excitent, quod nec tu dissimulare jam potes, sibi Auctor imputet. Interim prosequamur.

R. Sol ad occasum properat: posses in crastinum differre.

G

S. Stra-

S. Statim expediā. Unum hoc rursus interrogo, ferendane sit ejus audacia, qui propheticas sibi visiones arroget, & Divina Vatum mysteria somniis suis vanissime adscribat?

R. Id nusquam tentavit Laderchius.

S. Quod spectant igitur verba illa in tertia Præfationis pagina, ubi de se ad hanc historiam scribendam accincto sic loquitur: *sed ecce aqua redundantes a mirabilibus Hominis Dei operibus a latere dextro; cum enim egrederetur Vir ad Orientem, qui habebat funiculum in manu sua, ut metiretur egregii Patris virtutes, & merita, & mensus est mille cubitos: traduxit me per aquam usque ad talos, rursūque mensus est mille, & traduxit me per aquam usque ad genua, & mensus est mille, & traduxit me per aquas usque ad tenes, & mensus est mille, torrentem quem non potui pertransire, quoniam intumuerant aqua profundi torrentis, qui non potest transvadari, & tunc aperti sunt oculi mei, & in fractione panis agnovi meis viribus non esse magnitudines tam mirifici Doctoris annūciare &c.* Nonne hæc omnia ex cap. 47. Prophet. Ezechiel. transcripta sunt, & in alienum sensum detorta, ut Laderchianæ phantasie subserviant?

R. Non animadvertetam hæc prophetica esse. Numquid & sequentia ex Prophetis desumpit, quæ insignem metamorphosim exprimunt, videlicet: *Nam parvus fons; quem mihi proposueram, crevit in fluvium, & in lucem, solemque conversus est?*

S. Mardochei somnium non agnoscis in cap. 10. lib. Ester. descriptum? Illud est, quod egregio sa-

ne

nè judicio , ac mira proportionè ad suę narrationis Subiectum accomodavit Laderchius. At nihil magis Auctoris hujusacre judicium , in proportionè sententiarum suarum sectanda , commendat , quàm ubi librum suum oculo cęcutienti , & pedes Pontificis natatorię Siloe comparans in nuncupatoria ad Clementem XI. Pont. Max. ait : *Hęc fuit mihi consolatio , quòd libellus iste mitteretur ad natatoria Siloe , ad pedes nimirum Sanctitatis Tęę , ubi lavaretur à complacita benignitate tua , & veniret videns : Si enim respicies , labes cadent , & albigo , quam insipientia scribentis super hunc oculum obduxit , à sapientissima manu tua tracta , quasi membrana ovi , egredietur , & ille statim visum recipiet. Ubi , & spontè Canticorum similitudinem affectans , hęc subdit. Noli enim , Beatissime Pater , considerare , quòd in scriptione hac fuscus sum , quia nimirum splendoribus suis decoloravit me iste sol , propter magnitudinem glorię ipsius , nam oculus tuus iste , ipse me à me avolare fecit.*

R. Pergis adhuc misero illudere.

S. An ego aut primus , aut solus operis Laderchiani derisor ? Consule iterum Auctorem Diarii Gallici in hujus historię recensione , diar. 34. superiori anni 1704. exhibita. En quid ille de novo hoc stylo pronunciet : *Cet Auteur affecté de se servir partout de mots , & de phrases tirées de la Vulgate , du Messel , & du Breviaire. Il s' est sans doute imaginé , qu' on ne sauroit dire , que de bonnes choses avec des paroles sanctifiées , & que le Latin de ces saints*

Livres , quelque usage qu'on ne fasse , porte toujours  
 avec soy une certaine anction. Mais le Pere Ladersbint  
 pourroit bien s' estre trompé dans ces deux points .  
 Quant au premier , tous ceux , qui liront son ouvrage  
 s. apersonnent aisement , qu' il est rempli de pen-  
 sées qui manquent de justesse , & de metaphores , qui  
 n' ont aucun rapport avec ce que l' Auteur veut dire .  
 Quant au second , on est bien moins edifié , que sur-  
 pris de rencontrer un milieu d' un discours indifférent ,  
 tantot le commencement d' un Graduel , tantot un bout  
 de Preface , & tantot une demiperiode de l' Evangile  
 de Saint Jean , ou quelque autre endroit de l' Ecriture .  
 Il est difficile qu' un langage de cette nature plaise  
 aux gens de bon gout . On est accoustumé à attacher  
 aux paroles de l' Ecriture l' idée des objets , dont elle  
 parle , & l' on ne sauroit souffrir , qu' avec beaucoup  
 de peine , l' application de ces paroles à d' autres  
 objets . On lit avec respect dans l' Evangile , & dans  
 la 1. Epistre de Saint Jean , ce témoignage , que l'  
 Apotre se rend à Luymeme : „ C' est ce meme disci-  
 „ ple , qui rend témoignage de ces choses , & que à  
 „ écrit cecy , & nous savons que son témoignage est  
 „ veritable : Car il nous à annoncé ce qu' il à entendu ,  
 „ ce qu' il à vû de ses yeux , ce qu' il à considéré  
 „ avec attention , ce qu' il à touché de ses mains , &  
 „ il nous l' a annoncé afin que notre société soit avec le  
 „ Pere , & son Fils Jesus Christ . Mais il n' y à gue-  
 „ res d' apparence , que ces memes paroles fassent un  
 bon effet appliquées comme un discours ordinaire à  
 Jean disciple de Saint Pierre Damien , sous pretexte  
 qu' il

qu' il a veu quelque temps avec ce Saint , & qu' il en a écrit la vie .

R. Permite , ut Auctoris nostri verba , que de Joanne Petri Damiani discipulo profert , in textu latino conferam : occurrunt hæc pag. 451. tom. III. Hic est discipulus ille , qui testimonium perhibet de his , que magna ex parte supra concessimus de Beatissimo Viro , & scripsit hæc , & scimus quia verum est testimonium ejus ; nam quod audivit , quod vidit oculis suis , quod perspexit , & manus ejus conrectaverunt de operibus admirabilis Patris , annuntiavit nobis , ut & nos societatem habeamus cum illis , & societas nostra sit cum Patre , & Filio ejus Jesu Christo . Satis aptè conveniunt . Prosequere .

S. L' Apostrophe , que le Pere Laderchini fait au même Saint à la fin de son livre , n' a pas , ce semble , meilleure grâce ; & l' on est en quelque sorte choqué de lo voir parler à S. Pierre Damien dans les memes termes , dont Jesus Christ se Servoit pour parler de son Pere , on à son Pere : „ Mon Pere [ dit cet Auteur ] „ vous m' avez appris les veritez , que j' ay annoncées „ de vous ; Je n' ay point parlé de moy meme ; j' ay dit „ tout ce que j' ay ouy , & j' ay annoncé ce qui a esté „ fait . Si donc je vous ay glorifié en quelque chose , je „ vous ay glorifié , parceque j' ay annoncé ce que j' avois „ reçu de vous . Pieux Lecteur [ ajoutez il ] tout ce que „ mon Pere a eu , je me le suis rendu propre , c' est pour „ quoy j' ay dit : j' ay reçu de luy , & ce que j' ay reçu , „ je vous l' ay annoncé .

R. Vereor , ut hujus textus exactam dederit Dia-

rīi scriptor interpretationem : legam igitur pag. 454. *Omnem siquidem penè veritatem, quam annuntiavi de te, docuisti me; nec enim loquutus sum a me ipso, sed quacumque audivi, loquutus sum, & quæ facta sunt, annuntiavi. Si igitur in aliquo te, Pater, clarificavi, clarificavi, quia de tuo accepi, & annuntiavi. Omnia enim, pie lector, quacumque habuit Pater meus, me feci, propterea dixi : quia de suo accepi, & annuntiavi tibi.*

S. Nonnè ad verbum omnia penè respondent?

R. Non multum interest.

S. Vides igitur, quàm sit communis, eademque iustissima eruditorum de Laderchio querela : & sane stuppeus sic oportet, qui aliud de hoc Authore iudicium ferat. Quem enim cordatum virum non subeat indignatio, dum sacra verba ita usurpari videat; ut defectu congruæ proportionis non pietatis sensum; non venerationis affectum valeant excitare, sed risum potius, aut stomachum moveant, rerum disparatissimarum combinationi, atque vel ineptæ, vel remerariæ, sæpius inopinatæ, ad proprium subjectum applicationi, necessario consequentem? Miror sanè, te adhuc vulgari errore correptum ita excutire, ut patentissimæ veritatis radii oculos nondùm aperias.

R. Mecum ipse nocte sequenti singula conferam; nec enim præcipitanda est de tanto viro sententia.

S. Si maturo iudicio, animoque ab omnibus partium studiis alieno, quæ hodie consideravimus, atten-

55

rentius examinaveris, nullus dubito, quin mihi  
tuum suffragium cras sis oblaturus: Vale.

R. Fac te mihi sospitem summo mane restituas:  
jucundiores spero de rebus, quàm hactenùs de ver-  
bis fuerit, alloquutionem.

## Colloquium IV.

### C E N S U R A

Qua Historici lapsus ad centena-  
rium numerum in Laderchiana scri-  
ptione notantur.

---

**S** Adsum ex condito, Ruffine; Laderchium  
exhibe.

R. Adest hic imperterritus; & omne sibi di-  
scrimen evasisse videtur, postquàm & grammatici fe-  
rulam, & critici scuticam effugit.

S. Lividum ramen video, sui que in Galliam ad-  
ventus pertæsum. Quàm mallet scriptores nostros  
maledictis suis non provocasse!

R. Et verba, & Stylus, externa sunt Scriptorum  
ornamenta: rerum nucleus intimè perscrutandus  
est: modò nihil in historiam impegit Laderchius,  
ab omni censure immunis est dimittendus. Propria  
historici laus veritas est: una hæc attendenda, nec  
in

in his immorandum, quæ cum pedagogis, aut academicis habet communia.

S. Quid, si ne hanc quidem laudem sit assequutus?

R. Facilem sibi ab æquis Lectoribus veniam sperat Laderchius; nam ad finem lib. 5. pag. 246. tom. 3. sic opportunè scribit: *A benevolis Lectoribus meis Ciceronianum illud mihi dici confido: amoris nostro plusculum etiam, quam concedis historia veritas, largiari.*

S. Egregiam confessionem in parum verecunda postulatione! superfedere deinceps ab omni ejus historiæ examine possumus.

R. Non id eo sensu a Laderchio dictum putes, ut quidpiam sibi contra historiæ veritatem excidisse fateatur, sed eo loco se excusat, quod multa præter historiam congesse. *Dixerit quispiam, inquit, me nimis prolixis observationibus ab historia elongatum.*

S. Et hoc ipso Historiographus noster jure carpendus, quod promissis in Præfatione juratis non steterit: Nam cum unam, inquit, tantummodò animas Sancti historiam, & gesta in animo meo querere proposui, superfluum duxi investigare de omnibus, quæ ipso vivente facta sunt sub sole, ut sapienter nonnulli faciant, qui dum Sancti alienas enarrare gesta contendunt, attingunt a fine usque ad finem quidquid in toto orbe eo tempore, vel a Regibus, & Principibus, vel in Conciliis, aut hæreticorum Synagoga, vel in præliis, & seditionibus gestum est, itane non prætereant flos temporis illius, quem



quom carpere non velint, vel pratum, quod non perstrau-  
 seant luxuria eorum, cujus ubique signa tali pacto reliu-  
 quunt, dum tantò pere phylacterias eorum, qua ad id,  
 quod sibi proposuerant, & legenti promiserant, non per-  
 tinent, magnificè dilatant, absit igitur hoc à me ut dum  
 unam mihi est necessarium quarere, & inventam, ut  
 promisi Lectori meo, tradere, vitam S. PETRI DA-  
 MIANI, turber erga plurima, quæ illo vivente acti-  
 sunt, vel in Sacerdotio, vel in Regno. Quamquam  
 ambiguum relinquat Laderchius an hic mos ejus  
 iudicio probandus sit ( ut sapienter nonnulli faciunt )  
 an improbandus, quando illum lascivientium  
 peccatorum consuetudini deinceps compa-  
 rat, atque ab illo sibi maximè cavendum pro-  
 ponit.

R. Promissa religiosè observavit Laderchius ;  
 nam licet illi multa, extra Damiani historiam, qua-  
 lem ab Joanne ejus discipulo compendiosè tra-  
 ditam, atque ab aliis scriptoribus deinceps non mul-  
 to magis amplificatam habemus, explicanda fuerint,  
 non tamen hæc ab ejus instituto prorsus aliena, sed  
 omnia ad vitam S. Doctoris spectantia deprehen-  
 duntur.

S. Ut plurima omittam in cap. 17. 19. 20. 21. 40.  
 lib. 1. atque alibi occurrentia, quæ inter PETRI  
 DAMIANI acta cur referantur ignoro; totus sermè  
 quartus liber Charitatis virtutes enarrans, quintus  
 Episcoporum munia describens, sextus Sanctoru n-  
 fidem illustrans ( misellis quibusdam relationibus  
 præcis) non magis hujus, quam alterius Sancti Epis-

H

I copi

copi gestis commentandis aptari potest, adedut nihil amplius ad acta Damiani pertinens ex tanta librorum mole didicerim, quod non in vitis dudum exaratis, & in scholiis per Abbatem Cajetanum ad illustranda Sancti Viri opuscula, jam adductis contineretur.

† Lapsus  
historicus  
primus  
† Lapsus 2

R. Ego verò permultas, rarasque notitias a Cajetano minimè animadversas, hinc hausisse me fateor: ut quod Damiani regulam professos asserit lib. 1. cap. 14. num. 3. † Sanctam Claram Virginem Assisiatem D. Francisci Sororem, & † S. Petrum Coelestinum Eremitam Æsermensem, abdicato Pontificatu clarissimum.

S. Quibus porro argumentis id nobis it persuasum?

R. Ad Claram quod attinet: invictè, ut videtur; id probat ex Gregorii IX. bullis ipsam, ejusque sorores, palàm appellantibus Ordinis S. Damiani.

S. Vah supinitatem! Si bullas, & privilegia eo pertinentia bonus vir evoluisset æquivoci nominis fallaciam subodorasset; haud enim infrequenter iis hanc formulam insertam deprehendere poterat *secundum Institutionem Monialium inclusarum Sancti Damiani Assisiatis*: quod indicat non de regula PÉTRO DAMIANI Ravennate conscripta, quam Moniales illæ profiterentur, loqui Pontificem, sed de peculiari Institutione Monasterii Sancti DAMIANI Martiris propè Assisum extructi, in quo S. Franciscus D. Claram collocaverat.

R. Te

R. Te quam paucissimis a Clara expediti; ac circa Petrum Cælestinum luctandum tibi erit cum Auctoribus, quos citat, eximiis, Martino Polono, Petro Ricordato; & Arnoldo Vvione, quem ipse perpetuò Vvironem appellat: nàm hi Cælestinum Ordinis Sancti Damiani constanter asserunt, & sub PETRI DAMIANI institutis Monasticen professum fuisse non dubitant.

S. Fabulæ! Si Cælestini acta, vel ab ipsomet Sancto Viro de se scripta, vel quæ ex Petro Alliacensi, & Cardinali S. Georgii, refert, suisque notis ad diem 19. Maii Daniel Papebrochius illustrat, consulvisset, animadvertere poterat, locum non esse hujus Damianæ regulæ professioni, de qua altum ubiquè silentium occurrit. Et verò si Eremitica vita, quam Cælestinus cum suis discipulis agebat, ad Avellanensium normam, quorum institutis nomen dedisset, composita fuerat, cur timuit ne in Lugdunensi Concilio Congregatio sua aboliretur, nisi a Gregorio X. propriæ vivendi rationis confirmationem impetraret?

R. Cur ergo apud tot Auctores Cælestini iidem habentur cum Avellanensibus, quos PETRUS DAMIANUS instituit.

S. Quæsitio satisfaciet laudatus Papebrochius, qui in propylæo Maii ad verba cujusdam mss. per ipsum allati, nimirum *Hic Cælestinus prius vocabatur F. Petrus de Monte Murrone de Ordine, qui a plerisque dicitur S. Damiani, sub regula S. Benedicti Abbatibus*, sic adnotat: *Est tamen diversissimus Ordo con-*

congregationis S. Crutis Avellana, seu fontis Avellani; cui sub annum millesimum inchoata, famam incrementumque dedit Prior suus post anno 70. S. PETRUS DAMIANI, de quo ad 23. Februar. egimus; & hac postea dicta Cælestinorum Congregatio; quia tamen utraque sub regula Benedictina Eremitici rigoris perfectionem amolata est facile fuit utriusque nomen in principio vulgariter confundi; quemadmodum Clerici regulares Soc. Jesu a Clericis Regularibus Theatinis propter habitus, institutique similitudinem magnam, neque olim à multis distincti fuerunt, neque hodie dum nomine distinguuntur apud Hispanos, & utrique vocantur Theatini. Interim ex illa ipsa aquivocatione apparet, perquam antiquum esse hujus compendii nisso Auctorem, & initis ejus ordinis proximum, quem a S. PETRI DAMIANI Ordine tunc adhuc tam malè distinguebas vulgus &c. Hæc Papebrochius.

R. Benè est: At enim convenire videntur scriptores, Cælestinum in Monasterio B. Mariz de Faifoliz Diocesis Beneventanæ Monastico schemmate indutum, eidemque aliquandò præfuisse: quod quidem Cenobium † a PETRO DAMIANI ædificatum conjectatur Historiographus noster loc. cit. num. 7. eoquod in Beneventana Civitate se commoratum fuisse testetur in Apologia ob dimissum Episcopatum ad Alexand.

S. Quidquid sit de re ipsa, miror acumen argumenti, quod acerrimum Viri judicium, & ad historiam apprimè factum, evincit, Quamquam haud fortè aptius persuadeat Cenobium illud a Damiano po-

potius, quam ab Othone III. ( qui æquè Beneventum se contulit, cum inde corpus B. Bartholomæi Apostoli Romam asportasse dicatur ) ædificatum. Aut etiam pari jure dixisset, quæcumque Monasteria Mediolani, Florentiæ, Romæ aliisque in urbibus, in quibus PETRUS DAMIANI aliquandiu commoratus est, eà præsertim ætate constructa sunt, nisi certum conditorem aliunde ostendant, eundem DAMIANUM Auctorem recognoscere debuisse. Quam latus in historiam progressus, hoc aditu aperto antiquariis manebit!

R. Sedes habet argumentorum planè singulares hic Auctor, quas non paucis exemplis illustrare possem; verum, ut Beneventani illius Monasterii ædificationem nullis aliis indiciis compertam, neminique ad hanc diem scriptorum animadversam, ejus industria in aperto positam gratè accepisti, haud injucundum tibi fuerit gravia rerum audire momenta, quibus contra Hieronym. Rubeum Ravennatem, & Augustinum Florentinum Camaldulensem, Monasterii S. Mariz Faventiz † ædificationem Damiano tributam expungit, ut videas non uno studio se ad hanc scriptionem Historicum nostrum contulisse, sed ut pro arbitrio, & eyellar, & destruat, & ædificet, & plantet.

S. Non uno, ut arbitror, argumento utrumque scriptorem confutabit.

R. Immodò tribus impetit jaculis dicam an fulminibus? Nam lib. 3. cap. 26. n. 12. & 13. contendit, Damianum in lib. *Gratissimo*. de hoc Monasterio loqui

velut ad se nullatenus pertinente iis verbis : *Qui monasterio nunc praest Beata Dei Genitricis, semperque Virginis Maria juxta Faventina urbis mania constituto*. Ubi è contra, cum de locis a se constructis agit, id explicare solet, velut cum ait: *In illa Eremito, quam, Auctore Deo, in latere Suavicini montis ipsi construximus. Sed evidentius*, inquit Laderchius num. 14. *conici posse*.

S. Festina lentè. Hoc ipsum primò expendamus cui uni tria reponi posse video. Primò, nulla necessitate Damianum adigi ad exprimendam foundationem suam, quotiès de Monasterio abs se ædificato loquitur. Secundò, quod ait: *juxta Faventina urbis mania constituto* non exprimendo a quo illud constitutum esset commodè interpretari posse de constitutione ab ipso facta, quasi diceret *a nobis constituto*. Tertio, Camugnensè Eremum à Damiano proculdubio ædificatam esse, teste Joanne discipulo in ejus vita, nec tamen hanc ædificationem à Damiano exprimi, cum de illa Eremito mentionem ingerit, sive in vita B. Dominici Loticati agens de Michaelè Polensi, sive alibi passim; Nec semper de Suavicini montis Eremito loquentem Damianum, illius ædificationem sibi vindicare, quod & ridiculum esset, ac vanæ ostentationis plenum, adeoque à consuetudine Damiani omnem ubique affectationem fugientis, quàm maximè abhorrens. R. Huic quidem primò argumento, & ipse non admodum fidit: quare prosequitur: *sed evidentius conici posse videtur, nullatenus ad Petrum idem Ca-*

nobis pertinuisse, ab infrà ponenda relatione Joannis  
ejus discipuli qui praterquam distinctè narrat duo  
tantum Monasteria in comitatu faventino PETRUM  
DAMIANI adificasse, nempe Aceresa, & Gamonium  
idè non apparet cur loqui non debuisset de illo San-  
ctę Marię extrà Portam, si illud quoque construxis-  
set.

S. Ubi nam apud Joannem discipulum legitur  
Suavicinenfis Eremitę ædificatio, quam ipsemet Histo-  
riographus noster ex Damiani verbis supra com-  
memoravit? Si ergo evidens est aliorum locorum  
institutionem à Joanne pretermittam fuisse, quor-  
um ex ejus silentio probat, Monasterium Faven-  
tinum S. Marię à Petro non esse constructum, im-  
mò nec ad eundem ullatenus pertinuisse contendit,  
contra veterem ejus Provincię traditionem, & non  
modo Rubei, & Augustini Florentini, sed anti-  
quiorum historicorum alterius Avellanensis alte-  
rius Cassinensis, quos ipsemet paulò ante n. 9. & 10.  
adduxerat testimonium?

R. Non hæc summa negotii est: quę sequun-  
tur rem planè conficiunt. Audi: referens deinde  
(idem Joan vitę PETRI DAMIANI scriptor)  
quę consequuta sunt obitum Beatissimi Viri, dicit  
[quod cum transiit ipse illico nunciatus fuisset in  
Urbe ab iis scilicet, qui circa eandem domum exnaba-  
bant, ne corpus exanimè à suis Monachis, qui de  
vicino ipsius Monasterio advenerant, furto asportari  
potuisset, tota civitas repente ad ejus exequias ingenti  
concurſu lata properavit.] i. si agatur Faventinę Ci-  
vitas

*res accepta timor [en deductionem] ne furto asportari posset à Monachis, qui de vicinis ejus monasterio convenerant, Sanctissimi Patris venerabile corpus, Monasterium ubi mortuus est, non erat vel ab eo fundatum vel ab illius Monachis non incolebatur; nam ut ipsius Monachi idem sacrum corpus possiderent, si in proprio Monasterio fuissent, necesse non habuisset aliud illud transferre.*

S. Mascula planè deductio! quasi verò inter ejusdem Ordinis Monasteria communionem licet mutua, in reliquis observantia, non passim specialis æmulatio consurgat, quæ potioribus, vel reliquiarum sacrarum thesauris, vel Ecclesiasticorum ornamentorum spoliis, ditentur. Quot contentiones de Sancti Benedicti corpore inter nostros Floriacenses, & Cassinates Monachos exortæ sunt? Nonnè PETRUS ipse DAMIANE in vita S. Dominici Loricati testatur, Suavicinenses Monachos veritos esse, ne sancti illius Viri corpus à vicinis ejusdem Congregationis Monachis raperetur? *Frater, autem inquit, corpus ejus, ne à vicinis Monachis eorum raperetur è manibus, in eadem, in qua defunctus est cellula defossa humo, coelestiter obruerunt.* Sic teste Bollandò ad diem 7. Febr. à Classensibus nonnullis Monachis S. Romualdi sepulcrum apud cænobium Valliscastri tentatum est, immò temerè violatum, ut sacra lyxpfana ad suum potius Monasterium deferrent. An igitur Valliscastri Monasterium non erat, vel à Romualdo fundatum, vel ab ejus Monachis non incolebatur?

R. Non



R. Non omninò fortasè par fuerit ratio; quamquam haud perindè obviū sit discrimen coniicere. Olim tamen hac de re & ipse dubitaveram, ex quo PETRUS DAMIANI Abbatem Faventinum ad se directum vocet lib.5. epist.10. *filium suum*, quasi nempe ex Monachis suis assumptum, undè pronum erat inferre, Monasterium ipsum à Petro ædificatum fuisse, aut saltem ejus disciplinam ibi receptam.

S. Meliør sanè tua hæc, quàm conjectura Laderchii, cujus errores dum ipse per te satis animadvertis, atque refellis, nescio cur ita mecum dissimules, ut defendere velle videaris.

R. Scrupulum, quem mihi hæc historia injecerat, per te ereptum volebam: qua etiam de causa in memoriam revoco, quod hesternæ die, te reclamante, notaveram circa Theuzonem Eremitam, quem Florentiæ à PETRO DAMIANI potuisse conveniri negat Laderchius lib.3. cap.5. num.10. pag.54. tom.II. ubi Cardinalem Baronium, qui ex verbis S. Doctoris (*per longiora te ignotarum Regionum loca, per præcipitia montium, per saxosa alpium prærupta quæsumus*) Theuzonis colloquium Florentiæ contigisse deduxerat suismet armis aggrediens, sic efficacissimè confutat: *Sed ex his potius conicitur, † non Florentia mansisse Theuzonem, cum illum alloquuturus Petrus adiit, sed alibi, nempe in aliqua solitudine, in qua se abdiderat è proprio Monasterio profugus.*

S. Putasne intelligat Laderchius quæ legit, quæ

I

ip.

ipfemet paulò supra refcripfit pag.37. in ipfa Epift. PETRI DAMIANI ad Theuzonem, quem ex *urbis* *Eremitis* fuiſſe objurgat, atque apertiffimè non in aliqua ſolitudine, ſed in ipſa urbis frequentia commoratum notat iis verbis. *Huc accedit, quòd Eremiticam vitam, non in eremo, ſed intra populofa Urbis mania ducere decreviſti?*

R. Tam finitimus eſt terminus viz, ut DAMIANUM de aſperitate Alpium ex Umbria in Etruriam ducentium conquerentem, de loco ipſo, in quo Theuzonem invenerit, commodè interpretandum cenſuerit Author noſter; condonari autem poteſt in re parùm obvia lapſus iſte leviffimus.

S. Immo, niſi me fallat oblivio, Laderchius ipſe ſibi contradicens fateſtur, Florentiæ juniorem fuiſſe Theuzonem, quando illum PETRUS DAMIANI cum Abbate Albizone eſt alloquutus, tum ibidem ſenuiſſe reclusum. Videliſis paulò infra pag.58. *Erat enim tunc junior Theuzo, deinde ſenuerat reclusus Florentia, ubi etiam mortuus eſt decrepituſ, poſthabito conſilio Petri redeundi ad Monafterium, licèt ipſius monitiſ emendaſſet in melius, qua ignoranter peccaverat, ut ex virtutibꝯ, quibꝯ deinceps emicuit, omninò dicendum eſt.*

R. Eſtò hac in re cauſa ſua Laderchius exci-  
dat, Baronium tamen invictè refellit, quòd hoc colloquium Damiani, & Theuzonis † ob cauſam Florentini Epifcopi Petri Simoniaci contigiſſe crediderit.

S. Quibus porrò argumentis clariffimum Hiſto-  
riz

†Lapſus 6

riæ Ecclesiasticæ Parentem tam turpiter lapsum Laderchius ostendere nititur?

R. Acutissimis ratiociniis id evincit, quæ singulatim proponam. Primò sub num. 11. pag. 55. *Cum etenim ipse (Theuzo) legatur obiisse † paulò post legationem Petri* [qua scilicet Florentiam venerat ad Episcopi Simoniaci controversiam componendam] *non est assignabile tempus, quo potnerit eam vite formam servare, qua, juxta Annalium Scriptorem, fuit exemplar Anachoretarum, oraculum populi, adeont ejus consilio Imperator Henricus, alique Principes, & Sanctus Joannes Gualbertus obtemperaverint.* † Lapsus 7

S. Undè habet Laderchius, quòd Theuzo Eremita paulò post Petri legationem objerit? Hæc anno 1063. contigit, Theuzonis verò mors in annum 1070. incidit. Quòd si etiam eodem anno ad plures abiisset Theuzo, quid hoc ejus emendationi obstaret, quæ parvo dierum spatio, divina opitulante gratia, haberi potest? Cæterùm Theuzonis fama apud Henricum, & Joannem Gualbertum longè ante PETRI DAMIANI colloquium celebris erat, quippe hujus Eremitæ consilio Joannes Gualbertus Abbatem Sancti Miniatis, & Attonem Episcopum Simoniacos proclamaverat, jam inde ab anno 1034 circa suæ conversionis primordia.

R. Validior erit fortasse, quàm num. sequ. promovet machina: quia, inquit, in Epistola, quam Damianus post illud colloquium ad Eremum reversus Theuzoni scripsit, mentio est S. Dominici Loricati tanquàm viventis; ergo ante annum 1061.

†Lapfus 8. quo Dominicus Loricatus † obiit, colloquium illud contigerat, cum Florentina Legatio Petri ob Episcopum Simoniacum in annum 1063. incidere.

S. Gratis fingit Dominicum anno 1061. mortuum ante Florentinam Damiani Legationem; cum potius ex Damiani Epistola illum adhuc superstitem supponente, inferre debuerit, longè post hujus Legationis tempus illum obiisse.

R. Hoc verò tueri non poteris adversus tertium Laderchii ratiocinium sub num. 13. pag. 56. indè petatum, quod in Epistola de vita SS. Rodulphi Episcopi, & Dominici Loricati ad Alexan. II., quam † Florentiæ † tunc scripsit Damianus, aliam epistolam ad Theuzonem datam allegat, quam idèd oportet dudum scriptam fuisse ante exortam de Simonia Petri Episcopi controversiam, ante ipsius Damiani Legationem, immò etiam ait Laderchius, † *antequam esset Cardinalis, cum esset junior; ut videre est ex ipsius capite ultimo.*

†Lapfus 11.

S. Nego Epistolam illam ad Alexan. II. datam Florentinæ illius Legationis tempore; nego & Florentinæ scriptam fuisse, in utroque insigniter hallucinatus est Historicus noster. Si Legationis illius tempore epistolam hanc scripsisset Damianus, statim ac Florentiam pervenit, ut supponit Laderchius, aliquid inseruisset ad susceptam Legationem pertinens, ut Pontificem de negotii sibi impositi prospero, aut sinistro cursu commonefaceret. Si Florentinæ scripta foret, non diceret  
ibi

ibi Damianus, nuncium de morte Eugubini Episcopi ad se pervenisse, cum *Florentina Urbis mentia subist*, sed cum *hujus Urbis &c.* Ipsummet Epistolæ argumentum indicat; illam post reditum ad Eremum scriptam fuisse, ut sincera gestorum Rodulphi, & Dominici narratione Pontificis desiderio faceret satis, qui rogaverat, ut aliquid ipsi scriberet, quod & ad adificationem legentium suscipi, & inter scripturas mereretur authenticas reservari. Ex ipso autem ultimo epistolæ ad Theuzonem cap., undè Laderchius infert, illam scriptam esse diù ante collatam Damiano Cardinalitiam dignitatem, cum esset adhuc junior, ego infero, seniore Damianum fuisse, ait enim: *Quia autem faciem vestram alterius in hac vita visurum me esse non spero, Divinam depono clementiam, ut soluto militia cingulo, nos in mutuos representet aspectus.* Quod potius senis, & mortem sibi imminentem timentis, quàm junioris caracterem videtur exprimere.

R. At quid repones quarto argumento ex epistolæ ipsius ad Theuzonem contextu, quo constat † non ad propositum Episcopi Florentini, cuius nulla ibidem mentio occurrit, sed † ad inducendum Theuzonem, ut ad suum Monasterium rediret, undè ob similitates cum Abbate Albizone, subortas recesserat, scriptam illam fuisse?

S. Repono. Haud satis expensam à Laderchio epistolam illam; quò enim spectat illa Theuzonis temeraria contentio de Beatorum quorundam virorum

† Lapsus

12. † Lapsus

13.

rorum, ipsorumque summorum Pontificum Leonis, & Gregorii Sanctitate, nisi ad infirmandam eorum auctoritatem pro validitate Ordinum, aliorumque Sacramentorum, quæ Simoniaci Episcopi contulissent? Et si verò ineundę etiam inter Theuzonem, ejusque Abbatem concordię mentio ibidem occurrat, hæc nonnisi tanquàm accessorium colloquii illius argumentum assumitur, ut citra contentionem de re omnibus notissima Theuzonem Damianus conveniret; ait enim: *Cum hæc & alia plura in sermocinationis decursu impudenter effluerent &c. ad tui portus sinum applicare studuimus, dum de charitate, in qua nulla questio videbatur, adorti sumus, quippe erat inter te, & Abbatem tui Monasterii non ferenda simultas, &c.* Sed quod rem extra dubium ponit, est Theuzonis audacia, qua Damianum à suo colloquio, & contubernio repulit, ut paulò post narrat ibidem S. Doctor. Tandem per semicintias correpti, violenter excludimur, & præ damnatis foribus familiare colloquium ulterius non meremur. Quam temeritatem recolit, eidemque alludit in Epist. ad Cives Florentinos, quæ opusculum 30. complet, & tota (Laderchii confessione) circa hanc Simoniacorum controversiam versatur, dum inter alia sic habet cap. 4. *Nos ipsissimi sumus, qui eorum indigni judicamur colloquio, qui eorum sociale contubernium non meremur.* Quod & ipse Laderchius fassus erat paulò supra pag. 9. & 10. tomi 2. *In hac enim Legatione, in qua vel pseudomonachorum vulpes forneas habuerunt, vel Sanctorum Monachorum*

*volucres celi nidum, & Petrus Damiani è contra non habuit ubi caput suum reclinaret.* Id enim constat, nonnisi in Theuzonis negotio contigisse.

R. Egregiè hac in re Baronium vindicasti, sed evidenti calculo ejus auctoritatem fermè prostravit Laderchius lib. 1. cap. 1. num. 4. in pag. 6. tom. 1. Nec enim probat quod Baronius asserit, Petrum ætatis suæ anno 66. mortuum, vel anno salutis 1006. natum, sed potius † natum 1007. † Lapsus mortuum vero ætatis suæ † anno 65. Cum enim † Lapsus Damianus asserat, se post mortuum Othonem III. 15. ( qui mense Januario anni 1002. objerat ) *evoluto vix planè quinquennio*, in lucem editum, & consentiat Baronius, Petrum exeunte Febuario anni 1072. obiisse, necesse est nativitatem Damiani in annum 1007. incidisse, & 65. annos agentem eundem in Cælum migrasse.

S. O exactum calculatorem ! Si à Januario mense anni 1002. quo obiit Otho III. *vix quinquennium*, à Damiano opusculo 57. assertum, computemus, ad finem anni 1006. calculus perveniat oportet, vel ad summum ad initium Januarii anni 1007. ( aliàs si prædictum Januarium anni 1007. prætergrediamur, *ultrà quinquennium*, non *vix quinquennium* computabimus ab Othonis obitu ). Natus igitur est Petrus Damiani vel circa finem anni 1006., ut Baronius tradit, vel sub initium Januarii anni 1007. Quare anno 1072. Mense Januario jam 65. annos compleverat, adedque sub finem sequentis Februarii sexagesimum sextum ætatis annum jam ferè à bimestri

tri ingressus, è vivis sublatuſ est: Reſtituendus ergo Baronii calculuſ, Laderchianis argutiis confutatuſ.

R. Completuſ, atque rotunduſ annuſ Laderchiuſ enumerat, neque haſ minutiaſ admoduſ curat. Solida ſemper ſeſtat, atque in lucem educere ſatagit quę ab aliis auctoriſ circa Damiani hitoriam ſunt prætermiſſa. Notatiſ ne, quàm exactè detinierit numeruſ fratruſ S. Doctoriſ, quem nulluſ Hiſtoricoruſ haſtenuſ prodiderat?

† Lapiuſ  
16.

S. Nimiruſ † ubi duuſ fuiſſe enunciat, & ſtatim treſ enumerat.

R. Immo duuſ tantuſ pro certo ſtatuit, ſuoque nomine indigitat; Damianuſ, & Marinuſ. En Laderchii verba lib.1. ſub initium cap.2. pag.9. *Hoc certuſ nobiſ innotuit, duuſ nempe fratreſ habuiſſe, Damianuſ videlicet, & Mariuſ, quoruſ ipſemet meminit lib.2. epiſt. 14. ad Deſideriuſ Abbatem Caſſinen.* Ubi verò tertiuſ recenſet?

S. Sequenti cap.2. num.3. pag.19. ubi ex Joanne Vitę PETRI DAMIANI Scriptore narrat, eundem Petruſ alteriuſ fratriſ curę poſt mortem Parentuſ relictuſ, à quo, & ab ejuſ uxore tam malè habituſ eſt, ut porcoruſ cibariis addictuſ, nuduſque, & incultuſ, ac ſub immani frequentiuſ verberuſ pondere gemenſ puelluſ jacuerit. Hic enim verò tam duruſ, & crudeliſ in propriuſ Sanguinem frater neque Damianuſ ille Archipreſbyter eſſe poſuit, qui Ravennam reverſuſ Petruſ ab immani illa ſervituſe exemptuſ ſtudiis applicare curavit;

nec



nec Marinus ille inter Religiosos Avellanensis Monasterii Conversos Sanctimonia, ac pietate celebris, quem nunquam uxoratum fuisse constat, eoque minus tam fero, & atroci in fratrem genio abreptum, sed miti potius animo, & *honestis moribus præditum*, ut Joannes idem testatur.

R. Nimis minutè res istas persequeris. Auctor noster ab his se maximè alienum probat in Præfatione ad Lectorem, ubi ait: *Stultas genealogiarum questiones de vitare conabor; sunt enim juxta Apostolum inutiles, & vana; computationes enim generationum Judæi faciebant, & in eo se jactabant &c.* Et infra recentiores criticos suggillare videtur inquiens: *Et sic hoc nostro tempore, plerumque accidit, ut, consperse undique hujusmodi inutilibus questionibus sint Sanctorum historie; & veritas, quæ paulisper aliquando illucescebat, obnubiletur, nec tamen ad veritatis cognitionem quotidie tali pacto laborantes pervenire posse cognoscantur; nam nostrum ut plurimum non est nosse tempora, vel momenta, quæ Pater posuit in sua potestate, & ad nihilum plerumque utile est scire quando aliquid factum est, cum sufficiat scire quod factum est, stultis enim labore consumuntur, qui minutissimam rerum, temporum, & gestorum memoriam revocare conantur illorum, de quibus dictum est, quod perit memoria eorum cum secesserint.*

S. Insulsum caput! De impiis, & peccatoribus hoc scriptum est, neque ad Sanctorum historias referendum, de quibus potius ait Propheta, *in memoria æterna eris justus.* Psal. 111. Momenta verò,

K

quæ

quæ Pater posuit in sua potestate, ad futurum tempus; non ad præteritum referuntur. Cæterum ejus doctrina stante, cur tantas Author hic turbas moveret, ut capite 1. lib. 1. annum nativitatis, & mortis Peiri Damiani statuat, & an senex objerit, nec ne decernat, verbis etiam Damiani suam canitiem testantis ad simplicem prætextum Sancto Viro minus convenientem translatis, ibi pag. 7. & 8. *Verisimiliter censere debemus, hominem, qui omnem movere lapidem consueverat, ut se negotiis abdicaret, contemplationis, & quietis amore † qualemcumque prætextum arripuisse, ne à suo proposito dimoveretur, & salem adhibuisse honestam, & credibilem excusationem, ne denud sæculi curis implicaretur?* Cur lib. 3. p. 5. de anno scriptæ ad Theuzonem epistolæ adedò disceptavit? Cur adversus Baronium, Bellarminum, & Bonam Cardinales, adversus Durandum, Dupinium, & Didacum Franchum, aliosque scriptores tam acriter insurgit de rebus levissimis longas, & importunas vituperationes immiscens?

† Lapsus  
17.

R. Se ipsum de hoc in eadem Præfatione Auctor excusat, ex animo subdicens: *Et in hoc forsitan in insipientia mea nimis audeo & ego, dum à peritissimorum virorum sententiis, & supputationibus recedere multoties præsumo. Sed parcant, rogo, ori meo eruditissimi homines, si, quod Deus purificavit, commune non dicam, si quod ipsi dixerunt, aliter sentiam, si quod ipsi opinati sunt, aliter quàm ipsi interpretari convincar. Ecce enim veritatem dilexi, & licet incerta, & occulta sapientia Domini manifestata non sint mihi, tamen per ea,*  
que

qua facta sunt [ & illis forsitan innotescere non poterunt ] aliter ea quam ipsi , intellecta conspexi , & quæ vidi , & audiui , tacere non posui .

S. Quis ergo decernat, quousquè in supputationibus, & genealogiis, superfluous, & stultus labor resultet; quousquè verò sit tolerabilis, & commendandus, vel ab ipso Deo purificationem accipere mereatur.

R. De spiritualibus potius, quàm de carnalibus genealogiis videtur Auctor noster fuisse sollicitus; undè anxius inquit lib. 1. cap. 7. *Quodnam Institutum amplexus fuerit PETRUS DAMIANI*: videlicet, an S. Augustini, an S. Benedicti regulæ nomen dederit. Et cap. sequenti, postquam non fuisse Canonicum Regularem adversus plurimos Auctores conclusit, idque confessione ipsius Gabrielis Pennotti Canonici Regularis: *nam ex eadem*, inquit, *Augustianorum, & Canonorum Regularium terra veritas orta est*. Hinc PETRI DAMIANI à Petro de Honestis Portuensi discrimen, exscriptis ejusdem Pennotti verbis, demonstrat; mox num. 4. *Ne Canonicis Regularibus tantum sit tribulatio, aliis verò remisso*, contra eundem Pennottum, & Jacobillum, qui PETRUM DAMIANI Camaldulensem scripserant, aliosque Camaldulenses scriptores, hunc S. Doctorem sibi vindicantes, fusiùs ostendit, *PETRUM DAMIANUM ex Ordine quidem S. Benedicti Eremitam fuisse, † non tamen Camaldulensem, sed Congregationis Fontis Avellanae*.

† Lapsus  
18.

S. Quasi verò hæc duo plurimum distent! An-

non patet, Avellanitas Camaldulensium speciem esse, ut noster Dupinius in Bibliot. sec. XI. animadvertit, certè utrosque non dissimile Institutum sectatos; quod S. Romualdus proposuit Eremiticam vitam restaurans, & ad Benedictinæ regulæ scita componens? Nodum in scyrpo quaerit hic Auctor, aut in Camaldulensium nomine contentiosius ludit meram logomachiam excitans, ubi de re satis constat; Eremiticam nempe vivendi rationem juxta D. Romualdi normam iis in locis, quæ Damianus frequentius incoluit, viguisse.

R. Non clamoribus, sed rationibus agendum est. Certè ex identitate Regulæ Benedictinæ, quæ omnibus Monachorum Congregationibus communis est, hæc Avellanensis, & Camaldulensis familiæ unitas probari non potest, ut Author noster pag. 46. num. 7. ostendit; sed neque ex identitate Constitutionum, ut num. sequ. Laderchius evincit: Avellanitæ siquidem proprias Institutiones à PETRO DAMIANI acceperunt, cum nullas à Romualdo Camaldulensibus præscriptas sciamus.

S. Hoc perindè est, ac si Avellanitas, qui PETRUM DAMIANI præcesserant, utpotè sine scriptis legibus viventes, ab Avellanitis, qui scriptas deindè Petri Constitutiones acceperunt, seiungeret, Successu temporum res subindè variantur, & quæ traditionibus solis aliquandiù contentæ. Solitario- rum Congregationes vixere, postmodum suas Constitutiones scriptis tradere sategerunt, easque pro

pro temporum, & locorum varietate immutatur.  
Reponent itaque Camaldulenses, unitatem Instituti-  
tudinumtaxat esse attendendam, ut à pio, erudi-  
toque Viro P. Laurentio Durè quondam intellexi;  
cum in Eremo Vallis Jesu illum, de hac contro-  
versia colloquuturus, aliquando per otium con-  
venissem; qui & addebat, in PETRO DAMIA-  
NO sibi vendicando non id prætendere Camaldu-  
lenses, ut sacræ Camaldulensis Eremitæ incola S. Do-  
ctor credatur, sed quòd in cœnobiis vixerit [mul-  
ta verò allegabat.] ubi eadem S. Romualdi disci-  
plina vigeat, & si aliis fortè Constitutionibus  
proposita esset, ut passim in varijs ejusdem  
Ordinis Congregationibus contingit, ejusque  
rei non spernenda sanè documenta in medium  
afferebat.

R. Uno ictu omnia ferme prœoccupasti, cum  
præcipuam Laderchius in hac Constitutionum di-  
versitate vim faciat: nec tamen illi sufficit, Damia-  
num in D. Romualdi Cœnobiis vixisse, aut eos  
habuisse discipulos, qui solitudines ab eodem Ro-  
mualdo institutas incolerent. Audi objectum hoc  
proponentem, ac reiicientem num. 13. pag. 50.  
*Dices: Romualdum Eremum Syria fundasse, in qua  
deinceps fuit Dominicus Loricatus Damiani discipu-  
lus; sub Constitutionibus ergo Romualdi, utpote in  
Eremo ab hoc fundata; sed, negatur consequens ex  
supra allatis, quòd Romualdus Constitutiones non de-  
dit, sed tacente lingua, & prædicante vita, do-  
cuit.*

S. Egre-

S. Egregium Dialecticum, qui *consequens* cum *consequentia* confundit! Sed præclarum ejus rationium attendamus: quia Romualdus Constitutiones non scripsit, ideo Sitrix Eremus, & Dominicus Loricatus, & PETRUS DAMIANI ejus magister ad Ordinem Romualdi non pertinent. Quæ porro Eremitæ, quæ Monasteria, ad illum spectabunt, cum nusquam institutiones suas scriptis tradiderit? Nulla futura erit ejus religio, nulli ipsius discipuli, nulli Camaldulenses appellandi.

R. Discernendum est inter loca, quæ Romualdi disciplinam receperunt, ut num. 14. pag. 51. docet hic Auctor, nec enim omnia loca, in quibus Romualdus vixerat, ejus Ordinis fuisse censenda sunt, ut exemplo Classensis Cœnobii demonstrat, quod licet S. Viri habitatione, & regimine fuerit consecratum, anno tantum 1138. Camaldulensi † Ordini accessisse legitur.

† Lapsus  
19.

S. Eremitæ Camaldulensi tunc copulatum fuisse illustre illud Cœnobium fateor; ut alia subiudè, [atque in his ipsum Avellanæ Monasterium] similem unionem serius etiam subisse Augustinus Florentinus in suis historiis declarat: Sed id non probat ex uno in alium Ordinem, mutata ejus observantiæ disciplina, fuisse translatum. A Laderchio fortassis imposuit, quoddam Ordinis, & Congregationis discrimen non satis agnoverit, vel attenderit.

R. Non potuit id ignorare, qui pag. 85. hujusmet tom. I. Arnoldum Vvion ea de re excutientem con-

confutavit † *Corrigendum*, inquit, *videtur illud*; † *Lapsus*  
 quod dicit, nempe quod *diversitas Habitūs*, ejusque<sup>20</sup>  
*coloris*, non solum *diversitatem Congregationis*, ve-  
 rum etiam *diversitatem Ordinis* includit; nam lucē  
 clarius patet, *Habitūs*, & *coloris diversitatem* non  
 innuere *Ordinis diversitatem*, sed tantum *Congrega-*  
*tionis*.

S. Verba Arnoldi pag. præced. ab ipso relata  
 hæc fuerant: *Aliud est Monachum esse alienius Or-*  
*dinis*, quod *diversitatem Habitūs* includit, & *aliud*  
*Monachum alienius Congregationis*, qui *ejusdem* quā-  
*dem Habitūs*, & *Ordinis* censentur cum cæteris, dif-  
 ferunt tamen *Congregatione*, sive *ratione Patriæ*,  
 sive *ratione alterius differentia*. Ubi patet, Arnol-  
 dum non asseruisse, quod illi Laderchius appingit,  
 nempe quod *diversitas habitūs* inferat *Ordinis diver-*  
*sitatem*, sed potius è converso, quod, *diversitas*  
*Ordinis* includit *Habitūs diversitatem*, quam necessa-  
 riò non includit *diversitas Congregationis*. En ut in-  
 vertuntur à Laderchio Scriptorum verba, ut ex iis  
 cavillandi materiam delibet.

R. A proposito ne digrediamur; ex ipso enim  
 Dominici Loricati factò non aliud deduci contē-  
 dit Laderchius pag. 52. num. 15. nisi quod olim [Do-  
 minicus] *inter Camaldulenses fuerit*; nam cum se Pe-  
 tro subdidit, non semper in *Eremo Sitria* vixit.

S. Sufficit ibi aliquandiù vixisse, ut cum ejus  
 loci Priorem agens, conquestus est apud PETRUM  
 DAMIANUM de improborum hominum vexatio-  
 nibus suæ *Eremo* illatis, ut constat ex Damiani  
 Epist.

Epist. 3<sup>a</sup> lib. 6. ad ipsam Dominicam Sitræ Priorem scripta.

† Lapsus

R. Cur ergo Damianus in S. Romualdi vita † nunquam illum apud Avellanam consedis-  
tat, ut pag. 53. num. 17. noster Author animad-  
vertit?

S. Immo non longè à *Catria mansisse* Romual-  
dum expressè tradit Damianus in ejus vita cap. 19.  
Est autem Catriæ mons Avellanensis solitudini in-  
cumbens, ut ex Dante Laderchius pag. 24. enarrat;  
undè non aliam, quàm hanc Eremum ibi designa-  
ri potuisse colligitur. Et certè quisquis Avellani-  
zarum, & discipulorum Romualdi vivendi morem  
invicem comparaverit, ab uno utroque Magistro  
Monasticæ normæ disciplinæ haurisse concludet.  
Unde mirari subit, cur Ludovicum Jacobillum  
asserentem, quoddam Romualdus Avellanitis Consti-  
tutiones suas tradiderit, Laderchius sequi noluerit,  
cum ejusdem auctoritati usque adeò suprà pag. 34.  
detulerit, ut putidissimam fabulam de B. Lodulpho

† Lapsus

22

† ad Pamphilæ Gentis Familiam referendo, sibi  
probari indicaverit iis verbis: *Novissimus, qui lo-  
quutus est nobis, Gentilicio stemmati ejusdem Lodulphi  
hoc tribuit; fuisse enim asserit Columbam portantem  
ramum Olivæ virentibus filiis in ore suo. At hoc præ-  
clarissima Pamphilorum Gentis stemma esse quis igno-  
rat? ergo qui legit, intelligat.* Ubi & aliorum scri-  
ptorum commentitiis conjecturis fidem adhibuit,  
quoddam ob inditum à Damiano sextæ feræ jejunium  
Avellanensis Eremitæ S. Andreæ nomine deposito,

no-



nomenclaturam † S. Crucis acceperit, cujus rei † Lapsus  
 nullum extat in PETRI DAMIANI Operibus vesti-<sup>23.</sup>  
 gium: immò vel antequam Petrus ipse Monachum  
 indueret, ad ipsum *duo Fratres ab Eremita S. Crucis*  
*Avellanae Fontis directi* leguntur apud Joannem ejus vi-  
 tæ Scriptorem pag. 62. operis hujus Laderchiani,  
 quod indicat vel ex tunc Avellanensem Eremitum  
 S. Crucis appellatam fuisse. Sed & minùs propriè  
 Laderchius asserit pag. 208. † feriæ VI. jejunium † Lapsus  
 in honorem Dominicæ Passionis à Damiano *insti-*<sup>24.</sup>  
*tutum*, quod alii veriùs dixerint *promulgatum*; ve-  
 tustissimam quippe in Ecclesia, & maximè apud  
 Monachos, ejus observantiam sacra monumenta  
 declarant, & Regula S. Benedicti cap. XLI. con-  
 firmat. Neque ex documentis toto illo capite 31.  
 lib. 1. à Laderchio adductis quicquam aliud confi-  
 citur, quàm solius panis, & vini abstinentia, ac  
 verberum disciplina cœpisse Damiani monitis idem  
 sextæ feriæ jejunium arctiùs celebrari.

R. Superest, ut quælibet PETRI DAMIANI  
 Instituta, nimirum, & † Feriæ secundæ purgantium † Lapsus  
 animarum refrigerio dedicatæ, & † Sabbati in<sup>25.</sup>  
 honorem B. Virginis addicti, & † Mariani Officii † Lapsus  
 instituti, & † disciplinæ sibi inferendæ adinventio-<sup>26.</sup>  
 nem Damiano abroges, tot illum laudibus, & ho-<sup>27.</sup>  
 ribus exuens, modonè ulla in re Laderchio con-<sup>28.</sup>  
 sentias.

S. Ne ipse quidem Damianus invita, ac repugnan-  
 te veritate, laudari velit. Feriam secundam à se  
 institutam in animarum refrigerium non asserit

L

S. Do.

† Lapsus  
29.

S. Doctor, sed ex quadam fabulosa narratione de animabus Dominico die à purgatorio igne vacantibus, mox feria secunda ad eadem tormenta redeuntibus (quam inconsultè Laderchius pag. 346. hujus I. tomi † *historiam* vocat, nec nisi ut dubiam S. Doctor proponit lib. I. ep. 9. *hoc simpliciter retuli, quod ab accolis loci illius audiui, & paulo post, quod scripsi procaciter non affirmo, sed utrum verum sit, necnè, legentium inquisitioni relinquendum esse decerno*) morem illum apud nonnullos invaluisse describit loco per Laderchium allegato pag. 216. *Idcirco ipso potissimum die Angelis Missarum honor impenditur, ut & mortuis, & morituris patrocinalis eorum defensio procuraretur.* Sabbati etiam in B. Virginis honorem deputatio ex quarundam Ecclesiarum consuetudine deducta est, dicente ibidem Damiano opusc. 33. cap. 3. *Unde pulcher etiam mos in nonnullis Ecclesiis inolevit, ut specialiter ad ejus honorem per omne Sabbatum, Missarum celebrentur officia, nisi fortè festivitas, vel feria quadragesimalis obstitat.* Quam clausulam Laderchius inverso ordine callidè postposuit huic alteri statim consequenti, quam S. Doctor subdiderat: *Nos autem Eremitis, sive Monasteriis, quorum videlicet ad Christi gloriam Ministri sumus, tres per hebdomadas singulas dies Sanctis assignatos habemus &c.* ut fucum Lectoribus faceret, atque illarum Ecclesiarum morem ex Damiani discipulorum consuetudine, non hanc ex illo processisse suaderet. Ridiculus porro est, cum exemplis pag. 222. ex Raynaudo adductis, videlicet S. Ge-  
rar-

rardi Episcopi Canadiensis, & S. Ildephonsi Episcopi Toletani, quibus ante Damianum Sabbati dies Virginis cultu celebratus legitur, respondet pag. 225. potuisse † Gerardum [ qui in Hungaria longè ante annum 1038., quo Rex Stephanus obiit, cum eodem Stephano vivebat ) à Damiano, qui circa annum 1040. clarere cæpit, hunc morem accepisse : & † S. Ildephonsum *potuisse celebrare Sabbatum in honorem Beatissima Virginis, absque eo quod hujusmodi celebrationis Author, & Introductor dici possit, vel quod ab eo talem ritum Ecclesia acceperit.* Quod ipsum in proposito Officii Mariani applicat pag. 245. † S. Joanni Damasceno, qui juxta ipsum *recitare potuit quotidie Horas in honorem Alma Dei Genitricis, absque eo quod recitationis ipsarum in Ecclesia Græca Author esset :* idemque de † S. Udalrico Episcopo statuit pag. 247., quasi non sufficeret, alios ante PETRUM DAMIANI huic quotidiano Virginis cultui vacasse, ut primus ipse ejus Institutor non habeatur. Sanè Petrus ipse lib. 6. Epist. 29. narrat, se à Damiano Nepote intellexisse, quod ille in Galliis constitutus, fama vulgante, cognoverat de Clerico sub mortis articulum lacte B. Virginis irrorato, eo quod illi *quotidiana per singulas Horas laudum vota persolvisset ;* quod indicat consuetudinem Mariani Officii. vel in remotissimis partibus ante Damianum viguisse.

R. Sed non probabis, illud ipsum Officium fuisse, quod à PETRO DAMIANI † postmodum Ecclesia accepit : idemque de Mariano Officio, quod

quod Summi Pontifices Zacharias & Gregorius, juxta Petrum Diaconum apud Cardin. Bonam, præter Divinum, recitari à Cassinatibus voluere, dictum esto.

S. At neque illud ipsum PETRI DAMIANI Officium Marianum, quod IV. ejus operum tomo habetur, in usu jam est apud ullos Ecclesiasticos extus. Alii hymni, aliæ lectiones, aliæ antiphonæ jam leguntur.

R. De Disciplinarum autem institutione quid sentis?

S. Penè exciderat. Idem sentio, quod Damianus, non quod Laderchius. In Capitulo à Priore scopas accipiebant Monachi sub S. Romualdo ex ejus vita cap.38. Disciplinas ejus Monachi apud Sitriam, ipsique Monachorum famuli inter se invicem faciebant cap.64. De verberibus autem sibi met inferendis, evidens res est, Damianum ipsum hanc consuetudinem ad Dominicum Loricatum referre, de quo ait opusc.50 cap.14. *Hujus itaque Sancti Senis exemplo faciendæ disciplina mos adedò in illis partibus inolevit, ut non modò viri, sed & nobiles mulieres hoc purgatorii genus inbianter arriperent.*

R. Dissimulas quid huic observationi noster Author respondeat pag.157. quod subdit, *hujus nempe S. Senis exemplo, faciendæ discipline morem inolevisse, ita accipiendum est, † ut credatur humilitatis studio, positis discipulo, quàm sibi hoc tribuisse, ne laudando se ipsum videretur insipiens.*

† Lapsus  
135.

S. Men-

S. Mendacem Damianum facere non veretur Laderchius, vano timore ne insipiens esset, si veritatem proderet. At ne dum Damianus Domini exemplo disciplinæ usum invaluisse testatur, eodemque Dominico Doctore se didicisse fatetur lib.1.epist.19. modum, quo centum annorum penitentia hoc afflictionis genere possit expleri; verum etiam contendit, ante Domini tempora disciplinæ hujus consuetudinem obtinuisse, lib.6. epist.27. Cerebroso Monacho scribens. *Hoc disciplina genus modernis non est studiis adinventum, sed ex S. Scriptura potius auctoritate prolatum.* Et infra: *Nam & ante nos omnibus fere Sanctis Monasteriis hac disciplina regula nequaquam fuit incognita, licet non adeo frequentata, unde & singulos annos penitentię milenis scopis redimere consueverunt.*

R. Hoc Laderchius pag.196. ad disciplinam penitentialem Canonicam, vel Regularem pertinere asserit, non ad voluntariam factam à nihil debentibus Canonis, & Penitentiali Presbytero.

S. Vocet, ut libuerit; tantundem est: nec minus pungere ostendet verbera Penitentiarii, vel Canonum jussu, quàm propriæ devotionis arbitrio inflicta. Præterquamquod Damianus in Epistola ad Cerebrosum ejus disciplinæ Apologiam agit, cujus usum propagare ipse studebat; ergo extra propositum ejus vetustatem commendasset, si alterius prorsus generis disciplina illa Penitentialis, & Canonica fuisset.

R. Totus nobis in his tricis effluet dies, si pergas

gas adeò in singulis immorari.

S. Compendio dicam. Quidquid veri ad hanc historiam pertinet in his libris occurrit, totum ex aliis Scriptoribus Laderchius corrasit, & de verbo ad verbum rescripsit: quidquid novi ejus industria hic additum legimus, totum est fermè commentitium. Multa etiam quæ aliundè accepit, falsa sunt, & sine judicio ab hoc Authore probata. Plura interim sibi invicem adversantia adjecta fuisse ne dubites.

R. Calumniz reum ago, nisi singula ostenderis.

S. Ad evidentiam probasse put averam; ejus enim fati aperta commenta, vel ex proprio cerebro, vel ex aliis scriptoribus hausta hætenus indicavi; sed vis sibi contradicentem Laderchium aliquo specimine cognoscere? Lege ad pag. 466. tom. 2. *Petrus verò ab urbanitate quasi abhorruisse apparet: & paulò post pag. 469. Fuit igitur † Petrus Curialissimus, & urbanitatem noverat, sciens quid abhorret Dominus à Sanctis incivilibus.* Rursus ad pag. 294. tom. 1. *Stephanus IX. dictus X.* ad paginam verò 306. *Stephanus † X. dictus IX.*

† Lapsus  
36.

† Lapsus  
37.

R. Da veniam importunitati. Pagina illa 294. in nonnullis exemplaribus felici calamo correctum pariter legi *Stephanus X. dictus IX.*, ut cum altera expressione paginæ 306. conveniret.

S. Erronea correctio; verè enim Stephanus ille ejus nominis nonus fuit, seque talem in suis diplomatibus appellavit, ut constat ex Antonio Pagio in Critic. ad Annal. Baronii anno 1037. num. 2. Vide jam

jam latissimam aliam contradictionem, ubi pag. 64. num. 1. tom. 1. probat cum Augustino Florentino, † Damianum ad cœnobium S. Mariæ in littore Adriani Maris divertisse, ut conversionis suæ periculum faceret, quod supra pag. 24. cum Rubeo, & Cajetano negaverat, id Petro Portuensi duntaxat convenire asseverans. Lege insuper ad pag. 508. ejusdem 1. tom. quoddam *expeditio Gallicana Petri absque dubio evenerit* † anno 1062. tum ad pag. 532., atque alibi, vide asserentem, quoddam Florentina Petri Legatio eodem anno 1062. contigerit, quod pag. 534. probat ex morte Rodulphi Episcopi, cujus vitam supponit à Petro ad Alexandrum scriptam in Florentinæ Urbis ingressu, accepto de ejus migratione nuncio. Porro hæc duo simul consistere non possunt; cum enim Rodulphi obitus die 26. Junii contigerit, oportet, ut circa principium Mensis Julii ea de re Petrus monitus fuerit, qui totum etiam illum Mensem in Florentinæ Legationis negotio ad minus insumere debuit; atqui his ipsis mensibus occupatum fuisse in Gallicana expeditione, quo anno illam obiit, patet ex Damiani Epist. 5. lib. 6. penes Laderchium relata ad pag. 549. ubi S. Doctor conqueritur, sibi promissum fuisse ab Hugone Cluniacensi, quoddam Kal. Augusti reversurus esset in Italiam. Itaque non eodem anno statuenda fuerat à Laderchio Florentina, & Gallicana Petri Legatio.

R. Non semper tamen sibi contradixisse Laderchium putes. Video ego pag. 66. 1. tom. satis

me-

memorem, ac tenacem calculi sui de ortu PETRI DAMIANI, constanter asserere non anno ætatis illius † 24. sub † Guidone Aretino Priore ( ut † Lapfus 40 Jacobillus statuerat ) sed tantum anno 23. Sanctum Doctorem Monachum factum, quandoquidem ejus conversio in annum 1030. incidit, nati- vitas verò, juxta nostri Authoris sententiam, an- no 1007. præcesserat .

S. Jam Laderchianam computandi rationem paulò antea confutavimus, neque video cur Jacobilli testimonium de Guidone illo Priore Avellanensi reiiciat noster Historicus, alium ipse non substit- tuens, qui tum eo munere fungeretur. Sed & il- lud hoc loco notandum, quàm egregio argu- mento probet, † non potuisse Damianum majorem ætate 23. annorum Monasticen amplecti, ex quo cæperit, juxta Baronium ab anno 1044. Ecclesia- sticis se immiscere negotiis; quia credibile non sit in tam arcta Avellanensium disciplina id potuisse præstare, cum ob vix arreptum perfectionis iter, æterni Sponsi Soror Anima Petri adhuc parva esset, & ubera non haberet; unde potius cogitandum erat, quid de illa faciendum in die, quando erat alloquenda; quasiverò ad id non sufficeret, vel saltem qua- driennio ante, nempe anno 1040. Monasticæ di- sciplinæ se subdidisse Damianum.

R. Accuratiores fortassè in factis ad publicam Ec- clesiæ Historiam pertinentibus est noster Histo- ricus, quàm in peculiaribus vitæ PETRI DA- MIANI circumstantiis determinandis.

S. Ubi-



S. Ubique claudicat, & passim labitur. Sed immensi laboris negotium est velle singula excutere. Summa rerum capita delibare sufficiat. Pag. 98. tom. 1. docet Joannem † XX. Romanum Pontificem anno 1033. mense † Novembris obiisse. Neque ille nominis hujus *vicefimus* erat, sed *decimus novus*, ut omnes probi scriptores consentiunt, atque ex ejus Diplommatibus liquet, quæ ex Ughello refert Pagius ad ann. 1024. num. 1. Neque ille Mense *Novembris*, sed *Octobris* ad summum, ex humanis ereptus est, cum ante *Octobris* Mensem anno 1024. Pontificatum susceperit, federit verò annis 9., & dies 9., ut laudatus Pagius anno 1033. num. 4. ex plerisque Catalogis demonstrat. Rursus pag. 103. Gregorium VI. à † Simoniz labe purgare nititur. Laderchius cum Baronio autoritate Damiani, officiosissimas quasdam epistolas ad illum scribentis; ubi animadvertere debuerat, eundem Damianum post illas literas scriptas, inter illegitimos Pontifices computasse Gregorium; nam Epistola 3. lib. 1. ad ejus successorem Clementem II. data, agens de Fanensi Episcopo, qui à Benedicto IX., Sylvestro III., & Gregorio VI. excommunicationis vinculo fuerat innodatus, sic ait: *Sed cum videamus Fanensem latronem ab his etiam, qui non erant, sed dicebantur Apostolici, maledictum, & excommunicatum.* Idemque Clemens II. eodem loco tres illos Pontifices habuit; nam statim à sua coronatione in Brevi Bambergam missio, quod Gretzerus in libro de Divis Bambergensibus edidit Ingolstadii anno 1611. sic scripsit; *explosis tribus il-*

† Lapsus

43.  
† Lapsus  
44.† Lapsus  
45.

M

lis

lis, quibus idem nomen Papatns rapina dederat, inter  
 tot agmina Sanctorum, qui aderant, Patrum, digna-  
 tio Celestis gratie nostram indignissimam mediocritatem,  
 cunctis visibus refragantem, voluit eligi, & altissimi  
 Apostolorum Principis vice fangi. Ut omittam tot  
 alia monumenta, quæ ad hanc veritatem illustran-  
 dam latè congerit Pagius anno 1044. à num. 5.  
 ad 13, nec non testimonium Victoris III., qui in  
 suis dialogis narrat, quomodo ipsemet Grego-  
 rius VI. in Sutrina Synodo agnoscens, se non posse  
 justè honorem tanti Sacerdotii administrare, ex Pon-  
 tificia Sella exsiliens, ac semetipsum Pontificalia indu-  
 menta exuens, postulata venia, summi Sacerdotii di-  
 gnitatem deposuit. Ad hæc Laderchius pag. 100.  
 n. 4. ejusdem primi tomi narrat, Conradum Impera-  
 torem apud Trajectum Frisiz anno 1039. † tertia  
 die Pentecostes è vivis sublatum; cum ex Uvippo-  
 ne in vita Conradi Salici constet, illum feria 2., non  
 tertia obiisse apud sæpe laudatum Pagium anno 1039.  
 num. 1. Rursus pag. 126. contendit Laderchius, Leo-  
 nem IX. simulac consecrationem Pontificiam Ro-  
 mæ accepit, † nihil ibi moratum, ad visitandam  
 S. Michaelis Gargani Ecclesiam, Sipontum se con-  
 tulisse, verùm anno sequenti dumtaxat hanc pere-  
 grinationem à Leone susceptam ex Chronico  
 S. Benigni demonstrat Pagius ad annum 1049.  
 num. 8. Item pag. 141. Laderchias asserit, † duo  
 tantùm Concilia à Leone anno 1049. celebrata,  
 Rhemensè videlicet, ac Moguntinum, sed præter  
 hæc, constat aliis duobus, Romano, & Papiensi  
 Leo.

† Lapsus  
 40.

† Lapsus  
 47.

† Lapsus  
 48.

Leonem præfuisse, ut ex Hermanno Contracto, & Vviberto Pontificis hujus vitæ scriptore, idem Pagius ad hunc annum num. 10., & 11. observat.

R. Tanta rerum mole, Sejane, opprimor. Respirare saltem concede, non quodd ad singula respondere nunc in animo habeam: longioris id operæ, ac diligentioris meditationis foret; Sed ple-rosque Scrupulos tuos cognoscere, & particulatim discernere, non simul deglutire, ac devorare voluisssem. Arbitror autem, vix alios superesse notatu dignos.

S. Nondum ad operis dimidium provecti sumus: Plura etiam transiliendo negligere temporis angustia coegit. In pag. 318. lib. 2. statim à creatione, *PETRUS DAMIANI scribit ad S. R. E. Cardinales, & de † abdicanda Cardinalitia Dignitate cogitat.* † Lapsus  
49. Nec verbum quidem occurrit in toto illo capite, vel in Epistola Damiani, quam ibi Laderchius rescribit, quod vel umbram intentæ renunciationis præferat. Cardinales velut Cardinalis alloquitur S. Doctor ibi num 16. *Nos itaque, Fratres mei [ut & me vobis audenter interseram] nos, inquam, qui tanquam septem sumus oculi super lapidem unum, qui stellarum portamus imaginem, qui Angelorum senemus per annunciationis officium dignitatem, videamus, & splendeamus, & verba vita populis, non solum vocibus, sed & moribus nunciemus.* Et infra n. 20. *Quod igitur Dilectissimi, non modo Sacerdotes, sed Sacerdotum nos decet esse Magistros &c.* Et in fine

*Sic sic videlicet Cum Petro claves Ecclesia meritò facti participes obtinebimus, dum nosmetipsos certam vivendi formam, atque signaculum ceteris fidelibus exhibemus. Similiter pag. 350. in titulo cap. 5. lib. 2.*

† Lapsus  
50

*asserit Laderchius à Nicolao II. † concessum fuisse PETRO DAMIANI regressum in Eremum; nec quidpiam toto illo capite allegat, ex quo id deducatur: immò post relatam Damiani ad Nicolaum Epistolam, qua nuncium Episcopatui remittere contendebat, subdit Laderchius num. 3. Damianum voti compotem factum non esse his verbis: *Hæc Petrus, cui nihilominus onus grave, quod gravatum erat super se, deponere non est permisum. Quod autem pag. 414. adducit noster Historiographus, Damianum in privilegio, quod Nicolauſ II. Monasterio S. Felicitatis Florentiæ concessit, seorsim à Cardinalibus, se tali pacto subscripsisse [Ego Petrus Peccator Monachus.] † absque titulo Cardinalatus, & Episcopatus Ostiensis, id non probat dimissam ab illo dignitatem; nusquam enim alio titulo Damianus usus reperitur, nec se unquam Episcopum, aut Cardinalem antea subscripserat. Pagina 335. Hildebrandum ex Germania redeuntem S.R.E.**

† Lapsus  
51.

† Lapsus  
52.

*† Archidiaconum vocat, cum tunc, & usque ad Augustum anni 1059. Subdiaconus tantum fuisse probetur ex ejus subscriptione ad Acta Concilii Beneventani, apud Labbæum tom. IX. Conciliorum, & ex Pagio ad annum prædictum num. 11. & 13. ipsumque Hildebrandum nonnisi Subdiaconum vocet PETRUS DAMIANI Epistola per Lader-*

derchium relata pag. 336. licet sibi hoc arrogaverit Laderchius pag. 338. sub. num. 9. ut textum Damiani corrumperet; atque arbitrariè loco vocis *Subdiaconus* ( ob summam ejusmodi rerum ignorantiam ) reposuerit *Archidiaconus*. Vicissim verò pag. 355. Laderchius vocat Berengarium Ecclesiæ Andegavenfis † Diaconum, cum immò ejus *Archi-* † Lapsus  
*diaconus* esset. 53

R. Nimis rigidus censor es, atque in omni verbulo cavillandi materiam quæris: qui Archidiaconus erat, poterat & Diaconus appellari, qualem se vocat ipse Berengarius in formula suæ Confessionis.

S. Accuratus ipse videri vult Laderchius, aliosque scriptores suis maledictis proscindit, si unius vocis permutatione, aut ipsi, aut eorum Impresores, erraverint: quemadmodum tom. III. pag. 324. tot turbas in Dupinium excitat; quòd asseruerit, Damiani Epistolam 13. lib. 4. scriptam Episcopo Casenati, cum scripta sit Sarfinati, ubi insulse exclamat Historiographus noster: *nec agnoscit quod Casena non est Sarfina, nec Sarfina Casena*. Æquum igitur est simili lance, & Laderchii scripta expendantur ab ejus censoribus.

R. Non ea dumtaxat de causa Dupinium exagitat Laderchius; sed ex quo insuper docuerit, PETRUM DAMIANUM à suis † parentibus sollicita cura educatum: quod fabulosum esse noster † Lapsus  
Historiographus ostendit. Item quod Epist. 3. lib. 4. 54  
ad Henricum Archiepiscopum Ravennatem *de Ca-*  
*da-*

dalo, & Alexandro differere putaverit: ubi tantum de intrusione Mincii sermo occurrit. Denique quia † tractatum de correptione Papæ, & Episcopi ad Epist. 12. lib. 1. pertinere affirmaverit, quem tamen Laderchius ab Hæreticis Sancto Doctori suppositum ostenderat pag. 304. n. 14.

† Lapsus  
55

S. Primam criminationem quod attinet, manifestè ostendit Laderchius, se tam Gallicæ, quàm Latinæ linguæ prorsus ignatum. Dixerat de Damiano Dupinium in Biblioth. sæculi XI. pag. 84. *Il étoit d'un bonnete famille, & ses parens prirent soin de lui donner une bonne education.* Nomen illud parens pro parentibus patre, & matre accepit Laderchius, ubi potius consanguineos interpretari debuerat juxta legitimum, vulgatumque vocis hujus usum, tum à nostris popularibus, tum ab ipsismet Italis ubique receptum: quomodo patet, Dupinium ad optimam educationem, quam PETRUS à DAMIANO fratre acceperat, respexisse. E' contrario *parentum* appellationem ad alios præter *patrem*; & *matrem*, Latina lingua extendi non patitur; Laderchius tamen ipse vocem † *parentes* pro *consanguineis* usurpavit in titulo cap. 2. lib. 1. qui est: *PETRI DAMIANI parentes*; cum in toto capite patris, & matris notitiam nullam haberi significans, circa *fratres* PETRI DAMIANI distinguendos (& quidem, ut vidimus, perperam distinguendos) *nepotem* insuper, *fratruelem*, & *sorores*, tantummodò occupetur. Secunda criminatio non tam Dupinium tangit, quàm Constantinum Caje-

† Lapsus  
56

ta-

tanum, qui in argumento illi epistolæ præfixo primus omnium huic errori ansam dedit; suo autem munere functus est Dupinius, ubi argumentum retulit, quale in ipsis Damiani operibus proponebatur. Postremæ tandem querelæ quid reponemus? Facti res est. Quisquis tractatum illum cum epist. 12. lib. 1. contulerit, Dupinii iudicium absolveret, quæ in re etsi peccasset hic Auctor, Damiani Opera hoc tractatu adaugens, majoris tamen culpæ reus esset Laderchius eadem imminuens, dum tom. II. pag. 113. Apologeticum PETRI DAMIANI contra Canonicos, velut † apocryphum, & falsum traducit, dissimulans, illud à Constantino Cajetano satis vindicatum fuisse, atque ex veterum mss. fide, & auctoritate, necnon ex ipso stylo (qualemcunque ejus diversitatem eximia Laderchii critica somniaverit) eidem PETRO DAMIANI à doctis quibuslibet, nulloque partium studio præoccupatis scriptoribus adjudicatum.

R. Tandem aliquandò, ut video, primi tomi errores recensere desiisti, non tanta tibi in cæteris mordendi materies affluet.

S. Digredi libuit, quandoquidem aliud me avocasti: Sed nondum omnia prioris tomi errata delibavi. Iterum restitue. Vide ad paginam 336. Gerardus, qui Nicolaus II. vocatus est, ad Urbem, † non cum potentia, sed tanquam Bonus, & Humilis Pastor, accedere voluit. Verum ex Lamberto, & Leone Ostiensi patet, Henricum Germaniæ Regem jussisse, ut Gotheфридus Etruriæ Dux cum suis copiis apud

† Lapsus  
57.

† Lapsus  
58.

apud Romanum populum tumultus circa electum Pontificem excitaretur. Paginis 436., & 500. atque alibi Laderchius asserit, † *die 28. Octobris Festo SS. Simonis, & Juda solemniter depositum Cadalorum*; cum ex verbis Damiani, quæ pag. 501. rescribit, pateat, hanc depositionem in dictorum Apostolorum pervigiiliis factam esse, ut necessarium erat ad ejusdem Damiani vaticinium implendum, qui de Cadaloo dixerat: *Non ego te fallo, cepto, morieris in anno*: quod, stante Laderchii hypothese, falsum foret; non enim *cepto*, sed *completo*, jam anno, Cadalous (qui ipsa die SS. Apostolorum fuerat inauguratus) usurpatæ dignitatis honori mortuus esset, quare ineptè vaticinii sui veritatem tueri conatus esset Damianus opusc. 18. cap. 8, cujus verba accuratius Laderchio legenda fuerant, nimirum: *Sed, ut me comprobem non fuisse mentitum, tudiana admirabilem Divina dispositionis eventum. Cadalous siquidem ipso Festivitatis die SS. Apostolorum Simonis, & Juda, quasi in Papam, Deo reprobante, ac repellente, fuit electus; eodemque vertente anno in prædictorum Apostolorum vigiliis ab omnibus Thentonicis, & Italicis. Episcopis, ac Metropolitanis, qui cum Rege tunc aderant, damnatus est, & depositus.* Pag. 504. asserit contra Baronium, quod PETRUS DAMIANI † Romæ interfuerit electioni Alexandri II., eoquod in Epist. ad eundem Alexandrum de vita SS. Rodulphi Episcopi, & Dominici Loricati S. Doctor indicet, se Romæ fuisse, quo tempore præfati Dominici obitus in Umbria contingit

† Lapsus  
52.

† Lapsus  
60.



git; at ex Epist. ad Theuzonem, in qua Dominicum Loricatum viventem supponit, dum anno 1062 ad controversiam Simoniaci Episcopi sedandam Petrus Florentiam venerat, satis colligitur, eundem Dominicum anno 1061., adeoque tempore electionis Alexandri II. nequaquam ex humanis ereptum, atque epistolam illam de Rodulphi, & Dominici gestis, ut alias innui, Florentiæ tempore Legationis Petri non esse conscriptam. Pag. 508. apertissime sibi contradicit, dum ad num 14. ait: *ante annum 1063. quo Roma Concilium actum est ad dirimendam causam Petri Episcopi Florentini, aliam Synodum Roma convocatum fuisse band liquet*; ac statim subdit. *dicendum igitur, cum expeditio Gallicana Petri absque dubio evenerit* † anno 1062., quod † Lapsus 61.  
*Synodus illa Romana, quam adiit Hugo, ea fuerit, in qua* † *codem anno Alexander, tempore Quadragesimali,* † Lapsus 62.  
*† anathemate Cadaloum percussit.* Si enim ante annum 1063. nullam Romæ Synodum esse convocatum liquet, quomodo anno 1062. in Synodo Romana Alexander anathemate Cadaloum percussit? Ad hæc, falsum est, Legationem Gallicam Petri in annum 1062. incidisse; nam acta Cabillonensis Concilii, quod, præsidente in Galliis Petro, celebratum legitur tom. 9. Conciliorum, illud anno 1063. congregatum ostendunt. Vide Pagium ad annum 1062. num. 4. Pro nunc dissimulo, quod nuspiam in Romano Concilio Cadalous ab Alexandro II. anathemate percussus legitur. Rursus pag. 452. in titulo capitis 19. lib. 2. asserit Laderchius † Lapsus 63.

N

chius

† Lapsus 64. chius, Damianum ad Osboriense Concilium † mis-  
 sisse librum, qui inscribitur *Disceptatio Synodalis*;  
 verum hoc arbitrarie confectum est: nec Damia-  
 nus, nec alius quispiam prodidit disceptationem  
 illam ad Concilium missam, vel in illo lectam, aut  
 eo sine, ut dicto Concilio inserviret, compositam:  
 tantum inquit S. Doctor, Concilium illud immi-  
 nens esse, ejusque specimen quoddam, exercitii vi-  
 delicet gratia, à se in illo tractatu exhiberi: en il-  
 lius verba apud Laderchium pag. 454. *Quoniam &*  
*in proximo, ut speramus, fiet hic Osboriense Conci-*  
*lium, hinc jam eiusdem Concilii constituamus, velut*  
*in quadam tabella pictura, praludium.* At progre-  
 diamur ad pag. 565. ubi his verbis caput 28. lib. 2.  
 † Lapsus 65. Laderchius exorditur: *Petrus autem, cum † à Pon-*  
*tificis obedientia vinculo solutus, sui juris affectus es-*  
*set, &c* Quæ expressio Apostasie reum S. Do-  
 ctorem facit; neque enim in Eremito vivens dici  
 poterat ab obedientie vinculo erga Supremum  
 Pastorem Romanum Pontificem solutus, & sui ju-  
 ris effectus.

R. Nisi primum hunc tomum tibi è manibus  
 excusserim, nunquam ab ejus censura cessabis.

S. Secundum itaque resumo, cujus pag. 8. narrat  
 Laderchius, Damianum paulò ante Quadragesimam  
 Cassinum migrasse, eò vocatum à Desiderio Abba-  
 te, ut Fratres, ob casum fulminis, quem ex Leo-  
 ne Ostiensi supra recitaverat, nimio terrore per-  
 culsos, confirmaret, ibidemque integram Quadra-  
 gesimam exegisse, *tum † Romam repedasse ad Conci-*  
*lium*

† Lapsus  
 66.

*linum pro causa Petri Episcopi Florentini cogendum ab Alexandro jam anno 1063. è Lucensi Civitate reverso; atqui casus ille fulminis, ex verbis Leonis Ostiensis pag. 2. hujus tomi relatis, contigerat XV. Kal. Februar. quinto fere anno post ordinationem Desiderii Abbatis, quare cum Desiderium Abbatem, & Cardinalem, ordinasset Nicolaus II. pridie nonas Martii 1059. consequense est, ut fulminis ictu terri fuerint Cassinenses anno 1064, non 1063. Unde Petrus Damiani Quadragesimam anni 1064. post celebratum præcedenti anno Romanum Concilium, in causa Episcopi Florentini, apud Cassinum transegit. Ad pag. 30. notat Laderchius, ob turbas contra Simoniacum Episcopum Florentiæ excitatas, atque in suspensionem adductam Sacramentorum, quæ Simoniaci Sacerdotes conficerent, aut ministrarent, validitatem, quod multi his naniis nugisque decepti, sine † Sacramentis Dominici Corporis, & Sanguinis ex hoc mundo recesserant, quasi Eucharistiæ Sacramentum in plura divideretur: quomodo plusquam septem forent Ecclesiæ Sacramenta contra Conciliorum definitionem, & doctrinam Cathedismi sub Pio V. emanati, ubi habetur: *Licet duo sint elementa, panis scilicet, & vini, ex quibus integrum Eucharistiæ Sacramentum significetur, non tamen plura esse sacramenta, sed unum tantum, Ecclesiastica auctoritate, consistemus.**

† Lapsus  
67.

R. Nollem quidem oppositiones tuas interrompere, quibus omnibus simul promeridiano colloquio respondere statueram; at non possum, quin hic

pro Laderchio reponam, ab omni illum censura in hoc proposito immunem habendum, qui Ecclesiæ loquutionem servavit; nam in Missarum Collectis frequenter occurrit *Purificent nos, quasumus Domine, Sacramenta, quæ sumpsimus.*

S. Et si, habito ad utramque speciem respectu, duas ejusdem Sacramenti integrales partes in Sacrificio libatas possit Sacerdos aliquo modo *Sacramenta* appellare, quomoddò id morituris, (de quibus Laderchius loquitur) applicari poterit, quando his sub unica specie sacrum Viaticum ministrari consuevit? Ad hæc, cur verba PETRI DAMIANI ab eodem Laderchio allegata pag. 22., ubi expresse habebatur *sine Sacramento Dominici Corporis, & Sanguinis* ausus est immutare?

R. Non Theologum agit hoc loco Laderchius, sed Historicum.

S. Video, nam & lib. 4. cap. 22. num. 1. ad finem pag. 501. hujus tomi docet *nos sperare in Deo vivo, qui præstat nobis omnia abundè † ad fruendum*; cum tamen solo Deo nobis fruendum esse, cæteris verò terrenis rebus dumtaxat utendum sanioris Theologiæ canones jubeant.

† Lapsus  
68.

R. Nihil ad Historicum ista Perge Laderchii lapsus historicos, si qui rursus tibi occurrant, breviter adnotare.

S. Toto illo tertio capite lib. 3. nihil non molitur Laderchius, ut, reluctante omni Historiæ veritate, ostendat, Damianum *non egisse contra Monachos † Vallumbrosanos, sed alterius instituti*: & hoc

† Lapsus  
69.

quia

quia S. Joannes Gualbertus remotionem suam miraculo tutatus est, ne ante Stephanum Pontificem (quem pagina 32. Laderchius inscite † *decimum* † Lapsus 70. appellat, cum nonus ejus nominis esset) deferretur, undè in ipsum, ejusque discipulos non quadrant Damiani dicteria: *Urbici Monachi, Forenses, solitarii, Monachi Universales, qui sub Monastica professionis nomine plebibus imperarent*; quasi verò non posset S. Doctor hoc nomine indigitare Theuzonem Eremitam, qui Florentiæ reclusus vivebat, & Monachos Vallumbrosanos ad illum consilii gratia ab Joanne Gualberto submissos, aliosque ad S. Salvii Cœnobium propè Florentiam commorantes. Præterquamquòd remotio Joannis Gualberti, tempore Stephani Papæ, non prohibet aut ipsum, aut ejus discipulos falso in Episcopum zelo deceptos, tempore Alexandri II. potuisse Florentiam circuire ad turbas illas excitandas. Nec validius argumentum promovet Laderchius pagina 34., ex quo Vallumbrosanis † convenire non posset quod de prædictis Monachis ait S. Doctor: *Vident Monachum incedentem, aspice, inquirunt, unum scapulare*; etenim etiam ipsi Vallumbrosani scapulare gestabant, quare de *Monachis aliter Instituti non scapulare gerentibus*; ibi sermonem esse concludit. Quasi ulli eo sæculo Monachi viverent, qui commune Monachorum vestimentum, scapulare scilicet, non induerent. Rursus pag. 51. Decretum Chalcedonensis Concilii in Romana Synodo ab Alexandro II., suasionem PETRI DAMIANI, contra ejusmodi Monachos renovatum

† Lapsus 71.

tum, videlicet: *Monachis, quamvis Religiosis, ad normam S. Benedicti intra claustra morari precipimus; rivos, castella, Civitates peragrarare prohibemus* ( apud Laderchium pag. 59. ) contra † Vallumbrosanos Monachos editum non fuisse probat, sed contra Monachos alterius Instituti, quia post hujusmodi decretum patet, Vallumbrosanos Florentiam rever-  
 72. sos more solito adhuc Episcopum impugnasse miraculum Petri Ignei tunc contigisse: quodd si decreto illo comprehensi forent, ex *Papa precepto Monasterio egredi non potuissent: cum itaque Gualberti discipulos statim fecisse constet oppositum, ideo in istos loquantum non fuisse PETRUM DAMIANUM, nec ejus intuitu prafata decrevisse Alexandrum deducitur.* At decretum universale est, non Vallumbrosanos excipit, sed comprehendit, cum & ipsi ad normam *S. Benedicti* regularem disciplinam profiterentur. Sed pag. 59. admittit expresse Laderchius, quodd Monachi, qui Romæ, presente PETRO DAMIANO, contra Florentinum Episcopum in Synodo debac-  
 chabantur, *hujus rei confirmandæ causa, se paratos ad subendos ignes exhibuerunt*, quod cum S. Joannis Gualberti discipuli præstiterint, frustra contendit Laderchius culpam omnem harum turbarum in Mo-  
 chos alterius Instituti omnibus incogniti transferre, atque à promulgato decreto Vallumbrosanos eidem Synodo præsentem eximere. Nihil attingo præcla-  
 ram S. Joannis Gualberti Chronologiam pag. 52. positam, ubi illum annò † 1003. conversum sta-  
 73. tuit, & post quatuor annos Abbatem, & Episco-  
 pum

pam Simoniacos, Theuzonis consilio proclamasse, quando tantum circa annum 1030, vel 1040. clare cepisse Joannem Gualbertum ejus acta demonstrant. Nihil de arbitraria † Attonis primi Episcopi Florentini interpositione, quam in margine pag. 53. † Lapsus 74.

Laderchius ponit loco Anonimi ab Ughello indicati. Jam quæ de Theuzone subdit, aliàs excussa sunt; quare ad cap. 9. lib. 3. gradum facio. Hoc loco quæ contra Canonicos a PETRO DAMIANI scripta fuisse recenset, illustranda fuerant † confutatione viri eruditi Nicolai Desnosii, qui libro 2. de Canonicis cap. 14. ait, ignorasse PETRUM DAMIANI regulam, qua se Canonici tuebantur, ipsummet Aquisgranensis Concilii, Ludovico Pio imperante, habiti textum esse. Pariter Laderchii partes fuerant, ut difficilem Damiani clausulam, quæ ex ejus opusculo 34. ab Hæreticis recentioribus, pro superstite in Sacramento panis substantia, ad erroris sui defensionem traducitur, & ab Authore nostro pag. 212. refertur, catholica expositione † interpretaretur; nimirum ubi de Hostiæ sacræ particula † Lapsus 75.

usque ad medietatem in carnem conversa, sic habet S. Doctor: *Dum in una, eademque substantia, hinc panis, illinc carnis, adesse consideras speciem, in utroque vera carnis, verique panis indifferenter intelligas veritatem.*

R. Etiam peccata omissionis in Laderchio redarguis. Hoc verò minimè necessarium, cum mysticè panem hoc loco intelligendum, sequentia S. Doctoris verba declarent: *quia & ipse est panis, qui*  
de

*de Calo descendit , & ipsa. nihilominus caro , qua de Virginalis uteri materia prodit. Porro non magis ex adiuncto veri panis cavillari quis potest propriam panis substantiam à Damiano indicari , quam cum Christus Joan. 15. ait. Ego sum vitis vera , hoc ad eam vitem referendum sit , unde hæc similitudo translata est , non proprietas . At deficientibus propriis Laderchii erroribus ad omiſſa notanda , supplementi loco , recurris .*

S. An. deficiat in Laderchii operibus errorum historicorum seges , mox videbis . Pag. 115. hujusmet II. tomi † repetit Legationem Gallicam PETRI DAMIANI anno 1062. contigisse , quam sequenti anno dumtaxat illi injunctam superius ostendi ; ejusdemque † occasione Nicolaitarum Heresim in Laudensi , ac Taurinensi Ecclesia S. Doctoris opera , detectam putat , contra quam Romanæ Synodi decretum promulgandum Damianus obtinuerit. Verum illam detexerat Vir S. in Mediolanensi Legatione sub Nicolao II. non in Gallica expeditione ; quandoquidem hæc post prædicti Romani Concilii decretum Hugonis Abbatis Cluniacensis rogatu ; Petro commissæ fuit. Vide Synodalem definitionem inter Hugonem Abbatem Cluniacensem , & Drogonem Episcopum Matisconensem , quæ habetur tom. 9. Conciliorum pag 1177. Anno 1063. Hugo Romanam Synodum impiger adiit , querelam suam coram Sancto Concilio fidelis relator exposuit , novo periculo Sancti loci ruinam procul dubio minitanti ut obviaret , oravit. PETRUS DAMIANUS

† Lapsus  
77.

† Lapsus  
78.



NUS Ostiensis Episcopus se protinus obtulit, seseque ad subveniendum Monasterio per tam longi, tam asperi, tam duri itineris pericula destinavit. Unde quod pag. 117. subdit Laderchius, † *evidenter probari, statim post reditum à Gallica Legatione scriptas à Damiano fuisse epistolas ad Cunibertum Episcopum Taurinensem, & ad Adelaidem Subalpinorum Comitissam, eo quod in illis referat abusum in Laudensi, & Taurinensi Ecclesia deprehensum (nondum utique in Romana Synodo condemnatum, nam hoc decretum allegare non omisit Damianus, ad auctoritatem Concilii Triburiensis, sibi à Laudensibus Clericis oppositam, elevandam.) Hoc, inquam, totum reforbendum est; nec enim ex Gallica Legatione rediit Damianus ad Romanum Concilium se contulit, sed ex Concilio in Gallias se proripuit, unde notiis dumtaxat in precedenti Mediolanensi Legatione habitis niti potuit S. Doctor, tum in literis illis ad Cunibertum, & Adelaidem scribendis, tum in condemnatione Nicolaitarum apud Romanum Concilium procuranda, antequàm in Gallias proficisceretur.* † Lapsus 79.

R. Miror, in his labi potuisse Laderchium, qui pag. 177 Conciliorum Generalium Compilatores, utpotè Historiæ Conciliorum ipse consultissimus, erroris redarguit, quod scripserint, Cadaloum post Mantuanum Concilium militem armasse; cujus erroris causam notat, *quod prefati Compilatores messuerant ubi non seminaverant, & congregare voluerunt ubi non sparserunt, † non enim, ut debebant, inter* † Lapsus 80.  
 O Con.

† Lapsus  
81. Concilia, quæ conflagraverunt in unum, collegerunt etiam Concilium illud Romanam ab Alexandro, primo Pontificatus sui anno, tempore quadragesimali coactum, † in quo Cadalons anathematizatus fuit.

S. Somnia. Undè ipse probat ante illud anni 1063. in causa Episcopi Florentini; Romanum aliud Concilium anno primo, nempe 1062. ab Alexandro collectum? Ubi ejus acta? Profectò, si jam ab anno 1062. quadragesimali tempore Cadaloum in Concilio anatematizatum cognovisset Damianus, non omisisset hoc suis obrectatoribus obiicere, cum opusc. 18. cap. 8. ex sola Cadaloi damnatione in Osboriensi Concilio postmodum facta sub finem anni ejus electionis, astruere nititur vaticinii sui (*non ego te fallo, capto morieris in anno*) veritatem. At quam versatus in Conciliorum historia Laderchius esset, mox ostendit pag. 178. ubi, Synodos Florentinam, Papiensem, ac Mantuanam, in quibus damnatum Cadaloum asserit PETRUS DAMIANI lib. 1. epist. 20. † negat schismatis illius causam respicere, sed alia ipsius scelera in illis discussa fuisse contendit sub Nicolao II. eoquod Alexander nullam Florentiæ Synodum celebrasse reperitur; quasi verò necesse foret, Concilia illa † præsentem Romano Pontifice habita esse, & non potiùs oppositum ex Damiani verbis deduceretur: ait enim loco citato S. Doctor ad Cadaloum: *In multis tibi, Frater, Romana pepercit Ecclesia, frequenter à te legitimi rigoris sobibuit disciplinam, adeòut asserant quise interfuisse facturus, quod in tribus jam Conciliis Sy-*

nodalibus, Papiensi scilicet, Mantuano, & Florentino, perspicua damnationis in te sententia claruit, ubique tamen sedes Apostolica materna pietatis affectu tibi clementer indulgit, sed dum illa studeret canonum circa te cohibere rigorem, tu non vereris adversus eam hostilem redhibere tyrannidem. Ubi patet, de Conciliis Synodalibus, ad agnoscendum Alexandrum, tamquam legitimum Ecclesiæ Pastorem, sine Pontificis ejusdem interventu collectis agere Damianum: aliàs falsum esset, quod ab Ecclesia Romana, & Apostolica Sede nondum condemnatus dici posset Cadalous, si a Conciliis, præside Romano Pontifice congregatis, perspicuam damnationis sententiam passus esset. Porro de Schismatis, quod fovere non desistebat, crimine damnatum in hisce nationalibus congressibus Cadaloum satis indicant allegata S. Doctoris verba, atque evidentius confirmant, quæ mox sequuntur, cum videlicet hanc trinam condemnationem opponit Damianus trinæ unctioni Regis David, ac trinæ Petri Cathedræ dicens: *Sed cur nos, vel illum ter unctum, vel istum ter præsentem, in allegationem hujus disputationis abducimus, nisi ut tu interim ad conscientiam redeas, teque totidem vicibus, etsi iudicio Sacerdotum, sed Canonum auctoritate depositum, quam procul à Sanctis viris sis, & ipse perpendas?*

R. Magnam ego de Laderchii eruditione ideam conceperam, ex quo pag. 166. post Florentinium, & Pagium, Generalis Mantuani Concilii epocam, non anno 1064. ut Baronius crediderat, sed 1067. determinandam animadvertisset, atque adventum

Annonis Archiepiscopi Coloniensis in Italiam pag. præced. notasset, non anno 1062. sed tantum circa annum 1065. vel 1066. contigisse.

- † Lapsus 34. S. Ut ab hoc ultimo incipiam; † nec semel; ut Laderchius putat, sed bis in Italiam venit Archiepiscopus ille Coloniensis, † nec ullo ex annis à Laderchio notatis ejus adventus signandus fuerat; sed primus quidem anno 1064. quo Legationem ad Alexandrum Pontificem, Henrici Regis nomine, suscepit, secundus autem anno 1067. cum ad Mantuanum illud Concilium profectus est, ut ostendit Pagius ad annum 1064. n. 3. Porro cum agnovisset Laderchius anno prædicto 1067. Mantuanum Concilium celebratum, & res ad illud pertinentes capitibus 15. & 16. hujus libri 3. digessisset, mirari subit, cur postmodum cap. 18. & 23. ejusdem lib. quasi tempore posteriores referat † Romanas Synodos contra incestuosorum colluviem anno 1065. ab Alexandro II. collectas, † nec non epistolas à PETRO DAMIANI ad Arial dum, & socios scriptas, utique ante idem Mantuanum Concilium, ad quod dum pergeret Alexander II. Mediolanum veniens eundem Arial dum præcedenti anno 1066. mortuum Sanctorum Martirum catalogo adscripsit, ut ex Landulpho juniore Pagius refert ad annum 1067. num. 1. & 2. Et cerè fatetur ipse Laderchius pag. 229. Arial dum anno 1066. martyrio coronatum, adeoque ante Mantuanum Concilium anni 1067. Quamquam duplex eadem pagina Laderchii lapsus ad hoc propositum occurrit: † al-  
ter,
- † Lapsus 36. 37. 38.

ter, quod S. Arialdum V. Kal. Julii passum affirmet, cum B. Andreas Abbas Vallumbrosanus S. Viri discipulus, & comes, in Arialdi vita disertè tradat, illum in Vigilia S. Petri, adeoque IV Kal. Julii, occisum: alter, † quod anno 1056. Arialdum se Mediolanum contulisse affirmet, ut adversus simoniacos, & Nicolaitas in illa Ecclesia decertaret; cum anno tantum 1057. id contigerit; enimverò Arnulphus Mediolanensis Auctor coruvs, postquàm narravit Herlembaldum Arialdi socium anno 1076. occisum, ejusque sectatores exterminatos docet *ita impostum terminum schismatis* [sic enim Auctor Catholicæ partis inimicus appellat] quod per decem, & novem annos perduraverat; undè consequens est, anno 1057. in Nicolaitarum factionem Arialdum, & socios, primum insurrexisse. Videtis Pagium anno 1057. n.9. & 1066. n.8. ac 1076. n. pariter 8.

† Lapsus  
89.

R. Plerosque in Laderchio notatos errores video illi cum Baronio, aliisque Clarissimis scriptoribus, esse communes: cur autem illi dicam infligere pergitur, ubi tantos opinionis suæ Patronos assignat?

S. Quibus verò Authoribus didicit quod pag. 237 ejusdem tomi II. asserit; videlicet Damianum † anno 1067. vel 1068. à Desiderio Cassinensi Abbate invitatum fuisse, ac comminata suffragiorum privatione adactum, ut se Cassinum conferret, quò tempore venerabilis illius Cœnobii Basilica, nono creationis Desiderii anno, construebatur? Hæc profectò invicem non consistunt; cum enim dicta

† Lapsus  
90.

Ba-

Basilica ædificaretur, spontè Cassinum *pro more suo* Damianus adierat, dicente Joanne ejus discipulo in ipsius vita cap. 20. *Præfatum Canobium Cassinense dum aliquandò idem Dominus Petrus ex more visitasset cum esset ibi, Beati Benedicti Basilica fundabatur.* &c. Non igitur tunc tam extraordinaria instantia Vir Sanctus à Desiderio invitatus est, ut Cassinum se conferret; sed longè post, anno videlicet 1071. dum eadem nova Basilica ab Alexandro II. cum omnium Cardinalium interventu fuerat dedicanda: undè excusavit se Damianus ex longo XV. dierum itinere, suæ longævæ ætati, quæ tunc ad postremum vitæ suæ annum perducta erat, à minùs conveniente: *Nam, & propinqui obitus* (respondit Desiderio S. Doctor opus. 33.) *me red- dit ætas matura suspectum; mors enim licet aliis sit incerta, proculdubio tamen senibus est propinqua; quæ verba sub exitum vitæ constitutum Damianum supponunt; nequè verò credibile est, Sanctum virum potuisse anno 1067. gravioris ætatis, & longi itineris incommoda in excusationem prætere- re, cum postmodum ex Laderchii sententia pag. 243. Legationem in Germaniam anno 1069. idem Damianus intrepidus susceperit. Porro ne illud quidem Laderchio concedam, quod pag. 606. affirmat, Damianum in hujus itineris proposito Ab- batis Desiderii † jussu, etiam cum sui periculo obe- dire non renuisse; precibus enim, non præceptis acta res est, cum nulla esset Cassinensis Abbatis in PETRUM DAMIANI, ejusque Erëmum aut Mo-*

† Lapsus  
91.

nasterium autoritas. Denique undè habere potuit  
 Laderchius, quæ posteriori capite 25. (nam duo  
 sibi immediata capita in hoc tertio libro, atque  
 etià in ejus indice, sub eodem numero 25. re-  
 censet) enarrare aggreditur? Proponit nempe.  
*Qua inter Alexandrum, & PETRUM DAMIA-  
 NI post reditum à Germanica Legatione, cum ejus-  
 dem Epistola ad Alexandrum. Omnia prorsus aerea,  
 & in solo Laderchii cerebro fundata: Forsitan, in-  
 quit, † tempore, quo ille (PETRUS DAMIANI in † Lapsus  
 Germanica Legatione constitutus) aberat, inimicus 92.  
 homo terram Engubina Ecclesia, cujus quamdam solli-  
 citudinem sibi à Summis Pontificibus commissam gere-  
 bat, † adhibita per dolum Apostolica auctoritate, † Lapsus  
 commoverat, & conturbaverat, idcirco Petrus, qui 93.  
 adhuc vigila verat, & non fuerat perfodi domum il-  
 lam, quam custodi verat, accessit ad Alexandrum, tu-  
 mensque, ut Jacob cum jurgio exquisivit eum, quam  
 ob culpam suam, & ob quod peccatum suum sic exar-  
 sisset in se. An non planè forsitan illud arbitrarium?  
 An non illa Apostolica auctoritas per dolum adhibita  
 gratis omnino conficta? Porro epistola 14. lib. 1.  
 cui Laderchius innititur, non † post Germanicam † Lapsus  
 Legationem, sed longè verosimiliùs anno 1063. 94.  
 vel. 1064. à Damiano scripta ad Alexandrum vide-  
 tur, postquam è Gallis redux Ostiensem Comi-  
 tatum sibi à Pontifice ereptum reperit (quod uti-  
 què ante Mantuanum Concilium evenisse Lader-  
 chius ipse pag. 548. primi tomi affirmaverat] nec  
 aliud respicere possunt graves illæ in Alexandrum  
 quæ*

quærelæ, quàm ejusmodi Comitatum, ob suppositas Ecclesiæ Eugubinæ turbationes sibi ereptum; id enim *primò se graviter talisse* significat S. Doctor sequenti epist. 15. licet, primo illo motu sedato, se postmodum gavisum narret, ob conceptam deponendi Episcopalis oneris spem, *adedut marorem jam simulare non posset*. Quod si post annum 1069. scripta fuisset epistola illa 14. non ibi de Eugubina Ecclesia diceret Damianus: *qua mihi dudum à vestris decessoribus est commissæ*; Sed indicaret per novennium sub eodem Alexandro Pontifice, æquè ac sub ejus decessoribus, à se per suos discipulos, ac præsertim Rodulphum nupèr mortuum, rectè administratam; undè subsequente culpam turbationis à se longè evidentiùs amoliretur. Sed apud Ughellum Ecclesiæ illius Eugubinæ Episcoporum Syllabus attendatur: constabit, sub annum 1061. illi præfuisse Mainardum, cujus tempore turbata omnia ejusdem Ecclesiæ jura, ac prædia distracta, conquiritur Damianus Epist. 8. lib. 4. Ergò sub illud tempus scripta fuit ad Alexandrum Epist. 14. lib. 1. quæ turbationis hujus mentionem ingerit, nec alias post Germanicam Legationem turbas subortas cum Laderchio fingere debemus.

R. Prolixior, quàm expectaveram evasit nostra collatio. Nunc quando Historicam Laderchiani Operis partem, quæ ad medium usque hujus secundi tomi se exporrigit exhausti; mensam ad prandium instaurari jubebo, quod tibi mecum hodie commune volo; nec enim ad Mœcenatem redire tardior hora permittit.

S. Ut



S. Ut jubēs consistām : veloci tamen nuncio Max-  
 cenas monendus est , ne me ad usque solis occasum  
 expectet . Interim , dum mensa instruitur , tertium  
 totum per otium evolvere licebit , si quid præte-  
 rea ad historiam pertinens nostram ibi censuram  
 effugerit . En pag. 107. ut in Dicacum Franchum  
 mimicè invehitur Laderchius , quod scripserit , Pe-  
 trum Mediabarbam fuisse illum Episcopum Floren-  
 tinum , quem PETRUS DAMIANI opusc. 20. ad  
 Alexandrum II. narrat à se correptum ob ludum  
 scacchorum ; præferendam enī contendit Ughelli  
 sententiam , quod is Florentinus Episcopus esset  
 † Gerardus , qui mox Nicolai II. nomine Ponti-  
 ficatum gessit . At qui ejusmodi Episcopum adhuc  
 viventem supponit Damianus , ubi ait : *quod mihi de*  
*venerabili Florentina sedis Episcopo contigerit narro ;*  
 & infra : *tunc ille , ut misis est animi &c.* Si autem  
 de Gerardo , seu Nicolao II. intellexisset , utique  
 de more scribere debuerat , *quod mihi de venera-*  
*bili Florentina olim sedis Episcopo contigerit narro* , aut  
 etiam ( ultimum personæ statum indicando ) *de ve-*  
*nerabili Romana Sedis Antistite prædecessore tuo* : &  
 pariter : *tunc ille , ut misis erat animi* , scripsisset .  
 Quare cum nullus post Gerardum , seu Nicolaum  
 II. assignabilis sit Florentinus Episcopus , qui sub  
 initium Pontificatus Alexndri II. viveret , præter  
 Mediabarbam , optimo sanè argumento ( quod  
 frustra , & insulsè Laderchius irridens ait : *Quid*  
*hac ad nos ? Ecclesia Florentina nullus præfuit post*  
*Gerardum , inquit , nisi Mediabarba , ergo Mediabarba*  
*correptus fuit à Santo Cardinali ob ludum scacchorum .*

† Laphus  
95.

P

Ex

*Ex illo antecedenti, quanam est ista consequentia? nimirum malarum ipse dumtaxat consequentiarum ferax, in hujus bonæ consequentiz claritate discernenda caligat) intulit Franchus, hunc ipsum Episcopum illum fuisse, quem ob ludum scacchorum à se reprehensum præfato loco Damianus commemorat. Rursus ad paginam 169. en ut inanem operam cum Baronio ludit Laderchius narrationem Damiani opusc. 34. cap. 5. relatam de S. Severino Colonienſi Episcopo ad † Peregrinum, qui post septingentos annos illi successit, transferre satagens, enimvero quod ait, S. Severinum longo ante Damianum tempore præmortuum, nemo ibit inficias: at neque Damianus asserit, Historiam illam ævo suo contigisse, tantum narrat, quod ex Adraldo Bremetenſi Abbate didicerat, idemque *inditum litteris esse*, ipso referente, cognoverat. Quis autem nesciat, vetustissima potius facta in alicujus regionis historiis notata reperiri, quam recentia? Sed & in clausula illa narrationis Damiani (*Clericus inquit, Colonienſis Ecclesia viadum fluminis transibat, & ecce B. Severinus ejusdem Ecclesia nuper Episcopus equi ejus habenas apprehendit*) particula *nuper* non ad Damiani ætatem, sed ad tempus illius Clerici referenda est, ut sensus sit, illi apparuisse Episcopum paulò antè præmortuum, quàm hoc factum contingeret; non paulò antè, quàm id Damiano narraretur, viventem: undè nulla necessitas est hujus permutationis arbitrarid consistæ, ut idem Baronius in notis ad Martyrolog. Romani die XXIII. Octob. tandem agnovit; indèque etiam confirmatur, quia Episcopum*

† Lapsus  
96.

pum illum Sanctitate celebrem Damianus indicat, quod non de Peregrino, sed de Severino dumtaxat. accipi potest. Bilem porro movet, quod pag. 334. de Sanctis P.P. Athanasio, Hilario, Hjeronymo, Laderchius asserit; † ab ipsis nempè (ut à Laban Jacob) *deceptum* fuisse in casu Liberii Damianum, qui illos sic redarguere possit: *quid est hoc, quod facere voluistis? Nonne pro Rachel servivi? quare imposuistis Mibi?* Quos etiam infra † cum reprobo Esau comparat, Damianum in hoc facto, cum voce Jacob, manus Esau prætendisse scribens, *quia ejus pilosa manus similitudinem Majorum exprimunt.* Jam in pag. 450. quantus est error Laderchii, qui Joannem vitæ PETRI DAMIANI Scriptorem eundem esse tradit † cum Sancto Joanne Laudensi, Eugubino Episcopo, ejusdemque Petri discipulo?

R. Eundem fuisse nec ipse dubito, nec video, aut Henschenium ad diem XXII. Februar. in commentario prævio ad vitam PETRI DAMIANI num. 10. aut Pagium ad annum 1072. num. 6. alterum ab altero distinguere. Quid igitur hic peccavit Laderchius? Verum illata sunt prima fercula: En jusculum, pernam minutal, subalbidamque frixuram: jucunda sint ad mensam colloquia. Jam accumbamus.

S. Possumus ad frixuram usque Laderchianas ineptias prosequi; sed ut ad propositum respondeam: Henschenium in tot Sanctorum vitis colligendis, & expendendis occupatum, hæud miror, quod (indiligentiùs scriptorem vitæ PETRI DAMIANI distinguendo) hæc homonymia fefel-

lerit; Nec Pagio tam vastum Historiæ Ecclesiasticæ pelagus trananti, & citrà ullum examen Henschenio hac in re adhærenti, lux major affulserit. Nostrium verò Historiographum, qui id unum in se negotiū susceperat, ut exactissima simul, & amplissima Damiani gesta nobis proponeret, quis à fædissimo lapsu excusabit, quod ne primum quidem ejus vitæ scriptorem satis agnoverit, & cum æquivoco Sancti viri Alumno gratis confuderit? At tam frequentibus, quos antea sparserat, historicis erroribus, æquum erat, ut majusculo aliquo coronidem Laderchius imponeret.

R. Tu verò quo criterio utrumque Joannem discernis? Positivis enim argumentis confirmanda est ejus assertio, qui duplicem personam esse contendat, non ejus, qui unam, eandemque supponat: ubi præsertim de nominis, professionis, ac temporis convenientia liquet. In scholis æquè, ac in foris nemo non adversum te pronuntiabit, cum fortior nostræ parti; quam tuæ faveat præsumptio.

S. Haud male causticum agis. Tu igitur, fercula inter, & pocula Historiographi nostri imprudentiæ, & jurisprudentiæ principiis, patrocinari perge: ego ex historiæ fontibus ejus asserti falsitatem sic redarguo. Quo tempore censes Damiani vitam ab Joanne ejus discipulo scriptam?

R. Post annum 1080. siquidem in ultimo scriptio-  
nis illius paragrafo Damiani apparitio mense Augusti hujus anni facta describitur, quam Laderchius pag. 265. tom. II. recitat; neque Henschenio adhærere videtur, qui totum illum S. longè post, appendicis

loco, adjectum ab alio scriptore fuisse arbitratur, sed ejusdem Joannis nomine in margine adscripto recenset.

S. Bene est. Monachus erat Joannes iste Damiani discipulus, cum hæc scriberet, an jam Episcopalibus Infulis decoratus?

R. Monachum fuisse non dubito, quippe ex obedientia Liprandi Prioris iniunctum sibi scribendi onus in Proemio fatetur.

S. Rursus, quo anno in Episcopum Eugubinum Joannem hunc electum credis?

R. Historiographus noster pag. 450. tom. III. ex Ferrario refert, Joannem anno 1076. Cathedram illam ascendisse.

S. Non Monachus igitur, sed Episcopus erat post annum 1080 Joannes, cum Damiani vitam describeret; neque illam ex obedientia suo Priori debita exararam fateri poterat.

R. Me circumvenisti. At fortè cum Henschenio appendicem illam longè post adjectam dicere possumus, cum ante annum 1076. scriptionem suam Joannes jam absolvisset.

S. Hoc Henschenii cautelam probat, sed Historici nostri socordiam non tegit, qui & in his excutiens secum ipse cohærenter non sensit. At alia rursus † contradictio tibi ineluctabilis sese offeret ex hujusmet Authoris verbis pag. 264. tom. II ubi post rescriptam ex Joanne discipulo funeris Damiani narrationem, hæc subdit: *Hucusque Joannes discipulus, qui ab Eremitis, & Monachis Congregationis Avellanensis post obitum Sanctissimi viri*

† Lapsus  
100.

in Priorem electus fuit; nam sicut Sancto Patri PETRO DAMIANI in sanctitate, & sapientia confamilis erat, ita ei Prioratu succederet. Si igitur Joannes Laudensis (de hoc enim id accipiendum puto) statim ab obitu PETRI DAMIANI Prioratum suscepit, quomodo potest cum Joanne ejus vitæ scriptore confundi, qui Monachum se prodit sub Prioris Liprandi obedientia constitutum?

R. Difficilem esse video Historias scribendi provinciam; ac nescio, an quis Damiani vitam cum tot Pontificum, Principum, Episcoporum, aliorumque Virorum illustrium factis connexam, inoffenso pede, sibi percurrendam consideret, quamvis eruditus notationibus tuis, quæ huic Historiæ reformandæ satis utiles esse poterunt, instructus esset. Dandum itaque est aliquid Operis difficultati, atque excusandus, non irridendus Laderchius, si minus feliciter, è tot Labyrinthis ambagibus se extricavit. Id enixius rogantem audi scriptorem nostrum in fine Præfationis. *Ne longè ergo faciat miserationes suas à me quisquis libellum hunc legere dignabitur, sed considerans me tam imparem operi, indulgere dignetur erroribus meis.*

S. Quis illum adedò impotentem, ac nervis omnibus ad onus hoc ferendum necessariis destitutum, huic operi manus admoveere coegit? Expecto, ut Ecclesiasticos etiam annales perficiendos sibi arroget, ac postquam omnem Historiæ veritatem suscitèque verterit, modesta veniæ postulatione Lectores demulcere nitatur. Ante operis aggressionem, explorandum est quid ferre recusent, quid

quid valeant humeri. Nisi se quis ad historiam natum sentiat, ne se turbæ eruditorum immiscere præsumat.

R. Quid, si pruriant digiti, nec calamus ortiari velit.

S. Homiliæ, Præfationes, Responsoria Bibliocentones scribantur: quidvis aliud præter Historias

R. Monebo hominem minimè malum, ut studia sua ad eum dirigat scopum, in quem sui nervi colliment. Interim vini cyatho proluenda labra, ne quid, ex tam longa censura, fecis contraxerint.

S. Penè fauces aruerant. Et tibi mi Rustine, & amico Laderchio, proficiat Symposii nostri jucunditas. Ut me Apiana hæc vina delectant!

R. At parciore futura mihi est hoc anno generis hujus vindemia.

S. Quamlibet parum collegeris, fac diligenter custodias: qua de re opportunum Laderchii monitum est attendendum in pag. 248. tom. I. ubi post refutatos Auctores, qui Damiani Institutiones ad vetustiora tempora trahebant, sic concludit: *Nemo mittat vinum novum in utres veteres, alioquin rumpentur utres, & vinum effundetur, & utres peribunt; sed vinum novum in utres novos mittat, & ambo conservabuntur.* An magis appositè loqui poterat Historiographus noster?

R. Dimitte Laderchium; cujus tria hæc tam insulsa volumina mihi mensam infarciunt, totidemque potius patinis locum cedent. Leporem, perdices, & avem phasiacam, famulus inferat: nos interim regi magno assurgamus, cujus, ac Regiæ Domus felicitati, hoc cratere litandum est:

S. Chri-

S. Christianissimi solii Principes sospitent superi, ac promovendis bonarum artium studiis ( post sedatum, non indecora pace, immanis belli, quo tota Europa fervet, incendium ) in longam ætatem conservent.

R. His ipsis votis summo Ecclesiæ Pastori Clementi XI. fausta omnia præcemur, qui & in conciliandis Regum dissidentium animis, & in litteris, artibusque ingenuis ad dignitatem pristinam revocandis, summo ardore desudat.

S. Doctissimi, Piissimi que Pontificis studia fortunet Deus, qui & prudentissimo ejus animo saluberrimum consilium inspiret, ne tam ineptas lucubrationes historiarum Laderchianæ similes, idest insulas, blasphemias, divino verbo, Sanctisque Patribus injurias, totque historicis erroribus refertas, in ipsa præsertim Urbis Romanæ luce, in ipsis suæ sanctitatis oculis, prodire amplius impune permittat: librorumque editioni, non insulso adulatorum Quintinos, sed Censores idoneos, & uberiori doctrina, ac severiori judicio pollentes præficiat, ne quid absorum ab eloquentiæ Ecclesiasticæ majestate, quam elegantissimis Homiliis suis, ingenti bonorum omnium plausu, restituere summus Hierarcha, Magnis Leonibus, Magnis Gregoriis, ut æqualis auctoritate, ita facundia non impar contendit, in orbem Christianum ex ipso Christianarum Urbium Capite diffundi patiantur.

F I N I S.



MAC 572









